

如兩人俱死一人生第七梵天一人生窟窟國此二人遠近雖異死則一時到如有一雙飛鳥一於高樹上止一於卑樹上止兩鳥一時俱飛其影俱到耳如愚人作惡得殃大智者作惡得殃小如燒鐵在地一人知燒一人不知兩人俱取然不知者手爛大知者小壞作惡亦尔愚者不能自悔故得殃大智者作惡知不當故為日自悔其罪小比十念滅衆罪乘佛悲願船須臾得往生其理亦可然又十疑釋云以三種道理校量輕重不定不在時節久遠多小云何為三

一者在心二者在緣三者在決定在心者造罪之時從自虛妄顛倒心生念佛心者從善知識聞說阿彌陀佛真實功德名號心生一虛一實豈得相比譬如万年暗室日光暫至而暗頓除豈有久來之暗不肯滅耶在緣者造罪之時從虛妄癡暗心緣虛妄境界顛倒心生念佛之心從聞佛清淨真實功德名號緣无上菩提心生一真一偽豈得相比譬如有人被毒箭中箭深毒砭傷肌致骨一聞滅除藥鼓聲卽毒箭除豈以深毒不肯出也在決定者造罪之時以有間

心有後心也念佛之時以无間心无後心遂卽捨命  
善心猛利是以卽生譬如十圍之索千夫不制童子  
揮劍須臾兩段又如千年積草以大豆火焚之時卽  
盡又如有人一生已來修十善應得生天臨終之時  
起一念決定邪見卽墮阿鼻地獄惡業虛妄以猛利  
故尚能排一生善業令墮惡道豈况臨終猛利心念  
佛眞實无間善業不能排无始惡業不得生淨土者  
无有是處已又安樂集以七喻顯此義一少火喻如  
前二癩者寄載他船因風帆勢一日至千里三貧人

獲一瑞物而以貢王王慶重賞斯須之頃富貴盈望  
四劣夫若從輪王行便乘虛空飛騰自在五十圍索  
喻如前六鴝鳥入水魚蜂斯斃皆夙犀角觸諸外者  
還活七黃鵠喚子安子安還活豈可得言墮下千齡  
决无可甦也一切万法皆自力他力自攝他攝千開  
万閉无量无边豈得以有尋之識疑彼无礙之法乎  
又五不思議中佛法最不可思議豈以三界繫業爲  
重疑彼少時念法爲輕略抄今加之云一梅檀樹出  
成時能變四十由旬伊蘭林普皆香美二用師子筋

行卷釋略  
抄文云如  
一斤石汁  
能變千斤  
銅為金雪  
山有草名  
為忍辱牛  
若食者即  
得醍醐月  
利沙見昇  
星則出菓  
實

關字上恐  
脫破字欵

以為琴絃音聲一奏一切餘絃悉皆斷壞三斤石  
汁能變千斤銅為金四金剛雖堅固以殺羊角扣之  
則灌然冰洋罪譬五雪山有草名為忍辱牛若食  
者即得醍醐六於沙訶藥但有見者得壽无量乃至  
念者得宿命智七孔雀聞雷聲即得有身八尸利沙  
見昇星則出生果實善譬九以住水寶瓔珞其身  
入深水中而不沒溺十沙磔雖小尚不能浮盤石雖  
大寄船能浮愍譬諸法用力難思如是念佛功力准  
之莫疑問臨終心念其力幾許能成大事答其力勝

百年業故大論云是心雖時頃少而心力猛利如火  
如毒雖少能成大事是垂死時心決定勇健故勝百  
歲行力是後心名為大心以捨身及諸根事急故如  
人入陣不惜身命名為健如阿羅漢捨是身者故得  
阿羅漢道上由此安樂集云一切衆生臨終之時刀  
風解形成苦來逼生大怖畏乃至便得往生問深觀  
念力滅罪可然云何稱念佛號滅无量罪若尔以指  
指月此指應能闡峇綽和尚釋云諸法万差不可一  
槩自有名即法自有名異法名即法者如諸佛菩薩

名號禁咒音辭修多羅章句等是也如禁咒辭曰日出東方乍赤乍黃假令酉亥行禁患者亦愈又如有人被狗所嚙灸虎骨慰之患者愈或時无骨好攬掌磨之口中喚言虎來虎來患者亦愈或後有人患卽轉筋炙木瓜杖慰之患者卽愈或无木瓜炙手磨之口喚木瓜患者亦愈也名異法者如以指指月是上已要訣云諸佛願行成此果名但能念號具苞衆德故成大善已上彼文引淨名成實問若下下品造五逆罪由十念佛得往生者云何佛藏經第三云大莊嚴

佛滅後有四比丘捨第一義无所右畢竟空法貪樂外道尼犍子論是人命終墮阿鼻獄仰臥伏臥左脇臥右脇臥各九百万億歲於熱鐵上燒燃燼爛成已更生灰地獄大灰地獄活地獄黑繩地獄皆如上歲數受苦於黑繩久還生阿鼻獄彼家出家親近并諸檀越凡六百万億人與此四師俱生俱死在大地獄受諸燒煮劫盡轉生他方地獄劫成還生此間地獄久久免地獄生人中五百世從生而盲後值一切明王佛出家十万億歲勤修精進如救頭燃不得順忍

况得道果命終還生阿鼻地獄於後值九十九億佛  
不得順忍何以故佛說深法是人不信破壞違逆破  
毀賢聖持戒比丘出其過惡破法因緣法應當念已  
略抄四比丘者苦岸比丘薩和十萬億歲如救頭燃  
多比丘將太比丘跋難陀比丘  
尚不滅罪還生地獄如何念佛一聲十聲即得滅罪  
往生淨土答感師釋云念佛由五緣故滅罪一發大  
乘心緣二願生淨土緣小乘人不信有十方佛故三  
阿彌陀佛本願緣四念佛功德緣彼比丘但作四念  
處觀故五佛威力加持緣是故滅罪得生淨土彼小乘

人不爾故不能滅罪

略抄

問若爾云何雙卷經說十念往

生云唯除五逆誹謗正法答智憬等諸師云若唯造逆  
者由十念故得生若造逆罪亦謗法者不得往生有云  
造五逆不定業得往生造五逆定業不往生如有十  
五家釋感法師不用諸師釋自云若不造逆人論念之  
多少一聲十聲俱生淨土造逆人必須滿十闕一不生  
故言除也已今試如釋餘處遍頭往生種類本願唯舉  
定生之人故云不爾不取正覺餘人十念定得往生逆  
者一念定不能生逆十餘一皆是不定故願唯舉餘人

十念餘處兼取逆十餘一此義未決別應思釋問逆者  
十念何故不定答由宿善有无念力別故又臨終尋常  
念時別故問五逆是順生業報時俱定云何得滅答感  
師釋之云九部不了教中為諸不信業果凡夫密意說  
言有定報業於諸大乘了義教中說一切業悉皆不定  
如涅槃經第十八卷云耆婆為阿闍世王說懺悔法罪  
得滅又云臣聞佛說修一善心破百種惡如小毒藥能  
害衆生小善亦爾能破大惡又卅一云善男子有諸衆  
生於業緣中心輕不信為度彼故作如是說善男子一

切作業有輕有重輕重二業復各有二一決定二不決  
定又言或有重業可得作輕或有輕業可得作重有智  
人以智惠力能令地獄極重之業現世輕受愚癡之人  
現世輕業地獄重受阿闍世王懺悔罪已不入地獄鴛  
掘摩羅得阿羅漢如瑜伽論說未得解脫說名決定業  
已得解脫名不定業如是等諸大乘經論說五逆罪等  
皆名不定悉得消滅轉重輕受相  
具出放鉢經問所引文云智者轉  
重輕受下品生人但十念已即生淨土何處輕受答雙  
卷經說彼土胎生者云五百歲中不見三寶不得供養

修諸善本而以此為苦雖有餘樂猶不樂彼處已准之  
 應知以七七六劫十二劫不見佛不聞法等為輕受  
 苦耳問為如臨終一念佛名能滅八十億劫眾罪尋常  
 行者亦可然耶答臨終心力強能滅无量罪尋常稱名  
 不應如彼然若觀念成亦滅无量罪若但稱名隨心淺  
 深得其利益應有差別具如前利益門問何以得知淺  
 心念佛亦有益益答楞嚴三昧經云如大藥王名曰  
 滅除若鬪戰時以用塗鼓諸被箭射刀矛所傷得聞鼓  
 聲箭出毒除如是菩薩住首楞嚴三昧時有聞名者貪

患凝箭自然拔出諸邪見毒皆悉除滅一切煩惱不復  
 動發已上觀見諸法真如實相見凡夫法菩薩既爾何  
 沉佛聞名既爾何況念應知淺心念利益亦不虛

第六鹿心妙果者問若為菩提於佛作善證得妙果理  
 必可然若為人天果修善根云何答或染或淨於佛修  
 善雖有遠近必至涅槃故大悲經第三佛告阿難言若  
 有眾生樂著生死三有愛果於佛福田種善根者作如  
 是言以此善根願我莫般涅槃阿難是人若不涅槃无  
 有是處阿難是人雖不樂求涅槃然於佛所種諸善根

我說是人必得涅槃問所作之業隨願感果何樂世報  
得出世果答業果之理不必一同以諸善業迴向佛道  
是即作業隨心而轉以雞狗業樂求天樂是即惡見不  
令業轉是故於佛修諸善業意樂雖異必至涅槃故彼  
經舉譬言譬如長者依時下種於良田中隨時澆灌常  
善護持若是長者於餘時中到彼田所作如是言拙哉  
種子汝莫作種莫生長然彼種種必應作果非无果實  
取意略抄問彼於何時得般涅槃答設雖久久輪迴生於善  
根不亡必得涅槃故彼經云佛告阿難如捕魚師為得

魚故在大池水安置鉤餌令魚吞食魚吞食已雖在池  
中不久當出至乃阿難一切眾生於諸佛所得生敬信種  
諸善根修行布施乃至發心得一念信雖為餘惡不善  
業之所覆障墮在地獄畜生餓鬼至乃諸佛世尊以佛眼  
觀見此眾生發心勝故從於地獄拔之令出既拔出已  
置涅槃岸問如是經意以敬信故遂得涅槃若爾但一  
聞應非涅槃因既爾云何華嚴偈云若有諸眾生未發  
菩提心一得佛名聞決定成菩提答諸法因緣不可思  
議譬如孔雀聞雷震聲即得有身又尸利沙果先无形



質見昴星時果則出生足長五寸依佛名号即結佛因亦復如是從此微因遂著大果如彼尼拘陀樹從芥子許種生枝葉遍覆五百兩車淺近世法猶難思議何況出世甚深因果唯應信仰不可疑念問以染心緣於如來者亦有益耶答寶積經第八密迹力士告寂意菩薩云耆域醫王合集諸藥以取藥草作童子形端正姝好世之希有所化安諦所有究竟姝異无比往來周旋住立安坐臥寐經行无所缺漏所顯變業或有大豪國王太子大臣百官貴姓長者來到耆域醫王所觀藥童子

與其歌戲相見其顏色病皆得除便致安穩寂靜无欲寂意且觀其耆域醫王療治世間其餘醫師所不能及也如是寂意若菩薩奉行法身假使衆生媼怒癡盛男女大小欲相慕樂即共相娛貪欲塵勞悉得休息

信解觀察

无陰種諸入則奉行法身也菩薩尚爾何況證得法身佛

耶問如欲想緣有此利益誹謗惡狀亦有益耶答既云媼怒癡明非唯欲想又如來秘密藏經下卷云寧於如來起不善業非於外道邪見者所施作供養何以故若於如來所起不善業當有悔心究竟必得至於涅槃隨

外道見當墮地獄餓鬼畜生問此文便違因果道理亦復增於眾生妄心如何以惡心得大涅槃樂耶答以惡心故墮二惡道以一緣如來故必至涅槃是故不違因果道理謂彼眾生墮地獄時於佛生信生追悔心由此展轉必至涅槃見大悲經染心緣如來利益尚如是何況淨心一念一稱佛大恩德以之可知問諸文所說菩提涅槃於三乘中是何果耶答初雖隨機得三乘果究竟必至无上佛果如法華經云十方佛土中唯有下乘法无二亦无二除佛方便說又大經明如來決定說義云一

切眾生悉有佛性如來常住无有變易又云一切眾生得阿耨菩提故是故我說一切眾生悉有佛性又云一切眾生悉皆有心想有心者定當得成阿耨菩提問何故諸文所說不同或說一聞佛定成菩提或說應勤修如救頭燃又華嚴偈云如人數他寶自无半錢分於法不修行多聞亦如是答若欲速解脫不勤如无分若期永劫因一聞亦不虛是故諸文理不相違

第七諸行勝劣者問往生業中念佛為最於餘業中亦為最耶答餘行法中此亦最勝故觀佛三昧經有六種

譬二云佛告阿難譬如長者將死不久以諸庫藏委付其子其子得已隨意遊戲忽於一時值有王難无量眾賊競取藏物唯有一金乃是閻浮檀那紫金重十六兩金錠長短亦十六寸此金一兩價直餘寶百千萬兩即以穢物纏裹真金置泥團中眾賊見已不識是金脚踐而去賊去之後財主得金心大歡喜念佛三昧亦復如是當密藏之二云譬如貧人執王寶印逃走上樹六兵追之貧人見已即吞寶印兵衆疾至命樹倒僻貧人落地身軀散壞唯金印在念佛心印不壞亦復如是三云

譬如長者將死不久告一女子我今有寶寶中上者汝得此寶密藏令堅莫令王知女受父勅持摩尼珠及諸珍寶藏之糞穢室家大小皆亦不知值世飢饉持如意珠隨意語即雨百味飲食如是種種隨意得寶念佛三昧堅心不動亦復如是四云譬如太旱不能得雨有一仙人誦咒神通力故天降甘雨地出踊泉得念佛者如善咒人五云譬如力士數犯王法幽閉囹圄逃到海邊解髻明珠持雇船師到於彼岸安穩无懼行念佛者如大力士挽心王鎖到彼慧岸六云譬如劫盡大地洞燃

唯金剛山不可摧破還住本際念佛三昧亦復如是行

是定者住過去佛實際海中

已上略抄

又般舟經問事品說

念佛三昧云常當習持常當守不復隨餘法諸功德中

寂尊第一已又至不退轉位有難易二道言易行道即

是念佛故十住婆沙第三云如世間道有難有易陸路

步行則苦水道乘船則樂菩提道亦如是或有勤行精

進或有以信方便易行疾至阿惟越致

乃

阿彌陀等佛

及諸大菩薩稱名一心念亦得不退轉

已上

文中舉過去

現在一百餘佛弥勒金剛藏淨名无盡意跋陀波安羅文

殊妙音師子吼香象常精進觀世音勢至等一百餘大

菩薩其中廣讚彌陀佛也於諸行中唯念佛行易修證

上位知是最勝行又寶積經九十二云若有菩薩多營

眾務造七寶塔遍滿三千大千世界如是菩薩不能令

我而生歡喜亦非供養恭敬於我若有菩薩於波羅蜜

相應之法乃至受得一四句偈讀誦修行為人演說是

人乃為供養於我何以故諸佛菩提從多聞生不從眾

務而得生也

至乃

若一閻浮提營事菩薩於一讀誦修行

演說菩薩之所應當親近供養承事若一閻浮提讀誦

修行演說諸菩薩等於一勤修禪定菩薩亦當親近供養承事如是善業如來隨喜如來悅可若於勤修智慧菩薩承事供養當獲无量福德之聚何以故智慧之業無上最勝出過一切三界所行大集月藏分偈云若人百億諸佛所於多歲數常供養若能七日在蘭若攝根得定福多彼至乃閑靜無爲佛境界於彼能得淨菩提若人謗彼住禪者是名毀謗諸如來若人破塔多百千及以焚燒百千寺若有毀謗住禪者其罪甚多過於彼若有供養住禪者飲食衣服及湯藥是人消滅无量罪亦不墮於三惡道是故我今普告汝欲成佛道常在禪若不能住阿蘭若應當供養於彼人上況爾禪定尚既如是况念佛三昧是王三昧耶問若禪定業勝讀誦解義等云何法華經分別功德品以八十萬億那由他劫所修前五波羅密功德按量聞法華經一念信解功德百千萬億分之一分何況廣爲他說耶答此等諸行各有淺深謂偏圓教有差別故若當教論勝劣如前若諸教相對偏教禪定不及圓教讀誦事業大集寶積約一教論法華校量偏圓相望是故諸文義不相違念佛三昧

亦復如是偏教三昧當教為勝圓人三昧普勝諸行又  
定有二一者惠相應定是為最勝二者暗禪未可為勝  
念佛三昧應是初攝

第八信毀因緣者般舟經云不獨於一佛所作功德不  
於若二若三若十悉於百佛所聞是三昧却後世時聞  
是三昧者書學誦持經卷最後守一日一夜其福不可  
計自致阿惟越致所願者得問若爾聞者決定應信何  
故雖聞有信不信答无量清淨覺經云善男子善女人  
聞無量清淨佛名歡喜踊躍身毛為起如拔出者皆悉

宿世宿命已作佛事其有人民疑不信者皆從惡道中  
來殃惡未盡此未得解脫也抄略又大集經第七云若有

衆生已於无量无边佛所殖衆德本乃得聞是如來十  
力四无所畏不共之法三十二相至乃下劣之人不能得

聞如是正法假使得聞未必能信已當知生死因緣不

可思議薄德得聞難知其緣如烏豆聚有一綠豆但彼

雖聞而不信解是薄德之所致耳問佛於往昔具修諸

度尚於八萬歲不能聞此法云何薄德輒得聽聞設許

希有猶違道理答此義難知試案之云衆生善惡有四

位別一惡用偏增此位无聞法如法華云增上慢人二百億劫常不聞法二善用偏增此位常聞法如地住以上大菩薩等三善惡交際謂垂捨凡入聖之時此位中有一類之人聞法甚難適聞即悟如常啼菩薩須達老女等或爲魔所障或爲自惑障雖隔聞見不久即悟四善惡容預此位善惡同是生死流轉法故多難聞法非惡增故非一向无聞非交際故雖聞无巨益六趣四生蠢蠢類是故上人中亦有難聞凡愚之中亦有聞者此未決後賢人取捨問不信之者得何罪報答稱揚諸佛功德經下卷云其有不信讚歎稱揚阿彌陀佛名号功德而謗毀者五劫之中當墮地獄具受衆苦問若无深信生疑念者終不往生答若全不信不修彼業不願求者理不應生若雖疑佛智而猶願彼土修彼業者亦得往生如雙卷經云若有衆生以疑惑心修諸功德願生彼國不了佛智不思議智不可稱智大乘廣智无等倫取上勝智於此諸智疑惑不信然猶信罪福修習善本願生其國此諸衆生生彼宮殿壽五百歲當不見佛不聞經法不見菩薩聲聞聖衆是故於彼國土謂之胎生

當此常  
字誤乎

已疑佛智慧罪當惡道然隨願往生是佛悲願力清淨  
覺經以此胎生爲中輩下輩人然諸師所釋不能繁出  
問言佛智等其相云何答憬興師以佛地經五法今名  
五智謂清淨法界名佛智以大圓鏡等四如次當不思  
議等四也玄一師佛智如前以後四智逆對成事智等  
四也有餘異解不可煩之

第九助道資緣者問凡夫行人要須衣食此雖小緣能  
辦大事裸餒不安道法焉在答行者有二謂在家出家  
其在家人家業自由食飯衣服何妨念佛如木樵經瑠

璃王行其出家人亦有二類若上根者草座鹿皮一菜  
一菓如雪山大士是也若中根者常乞食糞掃衣若下  
根者檀越信施但少有少有所得即便知足具如止觀  
第四况復若佛弟子專修正道無所貪求者自然具資  
緣如大論云譬如比丘貪求者不得供養无所貪求則  
无所乏短心亦如是若分別取相則不得實法又大集  
月藏分中欲界六天日月星宿天龍八部各於佛前發  
誓願言若佛聲聞弟子住法順法三業相應而修行者  
我等皆共護持養育供給所須令无所乏若復世尊聲



聞弟子无所積聚護持養育又云若復世尊聲聞弟子住於積聚乃至三業與法不相應者亦當棄捨不復養育問凡夫不必三業相應若有缺漏應无依怙答如是問難是則懈怠无道心者之所致也若誠求菩提誠欣淨土者寧捨身命豈破禁戒應以一世勤勞期永劫妙果也况復設雖破戒非无其分如同經佛言若有衆生爲我出家剃除鬚髮被服袈裟設不持戒彼等悉已爲涅槃印之所印也若復出家不持戒者有以非法而作惱亂罵辱毀訾以手刀杖打縛斫截若奪衣鉢及奪種

種資生具者是人則壞三世諸佛真實報身則挑一切天人眼自是人爲欲隱沒諸佛所有正法三寶種故令諸天人不得利益墮地獄故爲三惡道增長盈滿故云爾時復有一切天龍乃至一切迦吒富單那人非人等皆悉合掌作如是言我等於佛一切聲聞弟子乃至若復不持禁戒剃除鬚髮著袈裟片者作師長想護持養育與諸所須令无乏少若餘天龍乃至迦吒富單那等作其惱亂乃至惡心以眼視之我等悉共令彼天龍富單那等所有諸相缺減醜陋令彼不復得與我等共住

共食亦復不得同處戲笑如是償罰以上又云爾時世

尊告上首弥勒及賢劫中一切菩薩摩訶薩言諸善男

子我昔行菩薩道時曾於過去諸佛如來作是供養以

此善根與我作三菩提因我今憐愍諸衆生故此以果

報分作三分留一分自受第二分者於我滅後與禪定

解脫三昧堅固相應聲聞令无所乏第三分者與彼破

戒讀誦經典相應聲聞正法像法剃頭著袈裟者令无

所乏弥勒我今復以三業相應諸聲聞衆比丘比丘尼

優婆塞優婆夷等付汝手勿令之少孤獨而終及以正

法像法毀破禁戒著袈裟者等付汝手勿令彼等於諸

資具之少而終亦勿令有旋陀羅王共相惱害身心受

苦我今復以彼施主等付汝手已破戒尚爾何況持戒

聲聞尚爾況發大心誠念佛乎問若破戒人亦為天龍

所護念者云何梵網經云五千鬼神拂破戒比丘跡涅

槃經云國王群臣及持戒比丘應當苦治遣呵嘖破

戒者耶答如理苦治即順佛教若非理惱亂還違聖旨

故不相違如月藏分佛言國王群臣見出家者作大罪

業大殺生大偷盜大非梵行大妄語及餘不善如是等

類但當如法擯出國土城邑村落不聽在寺亦復不得同僧事業利養之分悉不共同不得鞭打若鞭打者理所不應又亦不應口罵辱一切不應如其身罪若故違法而謫罪者是人便於解脫退落必定歸趣阿鼻地獄何況鞭打爲佛出家具持戒者抄略問人間擯治差別可然非人之行猶未決了梵網經一向拂跡月藏經一向供給那忽乖角答爲知罪福旨要須決人行不可必決非人所行若制若開各生巨益或復如人意樂不同非人願樂亦不同耳學者應決問因論生論於彼犯戒出

家之人供養惱亂得幾罪福答十輪經偈云被恒河沙

佛解脫幢相衣於此起惡心定墮无間獄衆名爲月

藏分云若惱亂彼其罪多於出万億佛身血之罪若供

養之猶得无量阿僧祇大福德聚取問若爾一向應供

養之何可治之招大罪報耶答有其力不苦治之彼亦

得罪過是佛法大怨故涅槃經第三云持法比丘見有

破戒壞正法者卽應驅遣呵責舉處若善比丘見壞法

者置不呵嘖驅遣舉處當知是人佛法中怨若能驅遣

呵嘖舉處是我弟子真聲聞也乃諸國王及四部衆應

當勸勵諸學人等令得增上戒定智慧若有不學是三  
品法懈怠破戒毀正法者王者大臣四部之眾應當苦  
治又云若有比丘雖持禁戒為利養故與破戒者坐起  
行來共相親附同其業是名破戒至若有比丘在阿蘭  
若處諸根不利闇鈍暮夢少欲乞食於說戒日及自恣  
時教諸弟子清淨懺悔見非弟子多犯禁戒不能教令  
清淨懺悔而便與其說戒自恣是名愚癡僧已上明知  
若過若不及皆是違佛勅其間消息都在得意  
第十助道人法者略有三一須明師善內外律能開除

妨障恭敬承習故大論云如雨墮不住山頂必歸下處  
若人憍心自高則法水不入若恭敬善師功德歸之二  
須同行如共涉嶮乃至臨終互相勸勵故法華云善知  
識者是大因緣又阿難言善知識者是半因緣佛言不  
爾是全因緣也三於念佛相應教文常應受持披讀習  
學故般舟經偈云此三昧經真佛語設聞遠方有是經  
用道法故往聽受一心諷誦不忘捨假使往來不得聞  
其功德福不可盡无能稱量其德義何況聞已即受持  
以四十里四百里四千里為遠方也問何等教文念佛相應答如前所引

西方證據皆是其文然正明西方觀行并九品行果不

如觀无量壽經一卷善良說彌陀本願并極樂細相不

如雙卷無量壽經二卷康明諸佛相好并觀相滅罪不

如觀佛三昧經十卷或八卷覺賢譯明色身法身相并三昧勝利

不如般舟三昧經三卷或二卷支婁迦譯念佛三昧經六卷或五卷功德直

共玄明修行方法不如上三經并十往生經一卷十住毗

波沙論十四卷或十二卷龍樹造羅什譯日日讀誦不如小阿彌陀經

一卷羅結偈惣說不如无量壽經優波提舍願生偈或各

淨土論或名往生論世親造菩提留支譯一卷修行方法多在摩訶止觀十卷及

善導和尚觀念法門并六時禮讚各一卷問答料簡多在

天台十疑一卷導綽和尚安樂集二卷慈恩西方要決一卷懷

感和尚群疑論七卷記往生人多在迦才師淨土論三卷并

瑞應傳一卷其餘雖多要不過此問行人自應學彼諸文

何故今勞著此文耶答豈不前言如予之者難披廣文

故聊抄其要耶問大集經云或抄寫經法洗脫文字或

損壞他法或闡藏他經由此業緣今得盲報云云而今抄

經論或略多文或亂前後應是生盲因何為自害耶答

天竺震且論師人師引經論文多略取意故知錯亂經

旨是為盲因省略文字非是盲因或復於彼十法行中  
初書寫行脫文是過為開解等略抄非過况今所抄多  
引正文或是諸師所出文也又至不能出繁文者注或  
云乃至或云略抄或云取意是即欲令學者易勘本文  
也問所引正文誠可生信但屢加私詞蓋招人論謗耶  
答雖非正文而不失理若猶有謬苟不執之見者取捨  
命順正理若偏生謗亦不敢辭如華嚴經偈云若有見  
菩薩修行種種行起善不善心菩薩皆攝取當知生謗  
亦是結緣我若得道願引攝彼彼若得道願引攝我乃

至菩提互為師弟問因論生論多日染筆劬勞身心  
其功非无期何事耶答依此諸功德願於命終時得  
見彌陀佛无边功德身我及餘信者既見彼佛已願  
得離垢眼證无上菩提

往生要集卷下末終

永觀二年甲申冬十一月於天台山延曆寺首楞嚴  
院撰集斯文明年夏四月畢于其功矣有一僧夢

毗沙門天將兩卅童來告云源信所撰往生集皆是經論文也一見一聞之倫可證无上菩提須加一偈廣令流布他日語夢故作偈曰

已依聖教及正理

勸進衆生生極樂

乃至展轉一聞者

願共速證无上覺

佛子源信暫離本山頭陀于西海道諸州名嶽靈窟適遠客著岸之日不圖會面是宿因也然猶方語未通歸朝各促更對手札述以心懷側聞法公之本朝三寶興隆甚隨喜矣我國東流之教佛日再中當今

刻念極樂界歸依法華經者熾盛焉佛子是念極樂其一也以本習深故著往生要集三卷備于觀念夫一天之下一法之中皆四部衆何親何疎故以此文敢附歸帆抑在本朝猶慙其拙况於他鄉乎然而本發緣一願縱有誹謗者縱有讚歎者併結共我往生極樂之緣焉又先師故慈惠大僧正

諱良源作觀音

讚著作郎慶保胤作十六相讚及日本往生傳前進士爲憲作法華經賦同亦贈欲令知異域之有此志嗟呼一生苒苒兩岸蒼蒼後會如何泣血而已不宣

以狀

寬和二年正月十五日

天台楞嚴院某  
申狀

大宋國某實旅下

返報

大宋國台州弟子周文德謹啓仲春漸暖風霞散  
伏惟法位無動尊躰有泰不審不審悚恐唯文  
德入朝之初先向方禮拜禪室舊冬之內喜便信啓  
上委曲則大府貫首豐鳴才人附書狀一封奉上先

畢計也經披覽歎鬱望之情朝夕不休馳憤之際遇  
便脚重啓達唯大師撰擇往生要集三卷捧持詣天  
台國清寺附入既畢則其專當僧請領狀予也爰緇  
素隨喜貴賤歸依結緣男女弟子伍佰餘人各發虔  
心投捨淨財施入於國清寺忽飭造五十間廊屋彩  
畫柱壁莊嚴內外供養禮拜瞻仰慶讚佛日重光法  
燈盛朗興隆佛法之洪基往生極樂之因緣只在於  
斯方今文德忝遇衰弊之時免取衣食之難仰  
帝皇之恩澤未隔詔勅并日之食旣重欲積塵何



避飢饉之惑伏乞大師垂照鑑弟子不勝憤念之至  
敬表禮代之狀不宣謹言

二月十一日

大宋國弟子周文德申狀

謹上

天台楞嚴院源信大師禪室

法座前

題名下至  
為本行卷

群抄出

選擇本願念佛集

源空集

南無阿彌陀佛

往生之業  
念佛為本

道綽禪師立聖道淨土二門而捨聖道正歸淨土  
之文

安樂集上云問曰一切衆生皆有佛性遠劫以來應  
值多佛何因至今仍自輪迴生死不出火宅答曰依  
大乘聖教良由不得二種勝法以排生死是以不出  
火宅何者為二一謂聖道二謂往生淨土其聖道一  
種今時難證一由去大聖遙遠二由理深解微是故

大集月藏經云我未法時中億億衆生起行修道未  
有一人得者當今未法現是五濁惡世唯有淨土一  
門可通入路是故大經云若有衆生縱令一生造惡  
臨命終時十念相續稱我名字若不生者不取正覺  
又復一切衆生都不自量若據大乘真如實相第一  
義空曾未措心若論小乘修入見諦修道乃至那含  
羅漢斷五下除五上無問道俗未有其分縱有人天  
果報皆爲五戒十善能招此報然持得者甚希若論  
起惡造罪何異暴風駛雨是以諸佛大慈勸歸淨土

縱使一形造惡但能數意專精常能念佛一切諸障  
自然消除定得往生何不思量都無去心也

私云竊計夫立教多少隨宗不同且如有相宗立  
三時教而判一代聖教所謂有空中是也如無相  
宗立二藏教以判一代聖教所謂菩薩藏聲聞藏  
是也如華嚴宗立五教而攝一切佛教所謂小乘教始  
教終教頓教圓教是也如法華宗立四教五味以  
攝一切佛教四教者所謂藏通別圓是也五味者所  
謂乳酪生熟醍醐是也如真言宗立二教而攝一

切所謂顯教密教是也今此淨土宗者若依道綽  
禪師意立二門而攝一切所謂聖道門淨土門是  
也問曰夫立宗名本在華嚴天台等八宗九宗未  
聞於淨土之家立其宗名然今號淨土宗有何證  
據也答曰淨土宗名其證非一元曉遊心安樂道  
云淨土宗意本爲凡夫兼爲聖人又慈恩西方要  
決云依此一宗又迦才淨土論云此之一宗竊爲  
要路其證如此不足疑端但諸宗立教正非今意  
且就淨土宗略明二門者一者聖道門二者淨土

門初聖道門者就之有二一者大乘二者小乘就  
大乘中雖有顯密權實等不同今此集意唯存顯  
大及以權大故當歷劫迂迴之行準之思之應存  
密大及以實大然則今真言佛心天台華嚴三論  
法相地論攝論此等八家之意正在此也應知次  
小乘者總是小乘經律論之中所明聲聞緣覺斷  
惑證理入聖得果之道也準上思之亦可攝俱舍  
成實諸部律宗而已凡此聖道門大意者不論大  
乘及以小乘於此娑婆世界之中修四乘道得四

乘果四乘者三乘之外加佛乘次往生淨土門者  
就此有二一者正明往生淨土之教二者傍明往  
生淨土之教初正明往生淨土之教者三經一論  
是也三經者一無量壽經二觀無量壽經三阿彌  
陀經也一論者天親往生論是也或指此三經號  
淨土三部經也問曰三部經名亦有其例乎答曰  
三部經名其例非一一者法華三部謂無量義經  
法華經普賢觀經是也二者大日三部謂大日經  
金剛頂經蘇悉地經是也三者鎮護國家三部謂

法華經仁王經金光明經是也四者彌勒三部謂  
上生經下生經成佛經是也今者唯是彌陀三部  
故名淨土三部經也彌陀三部者是淨土正依經  
也次傍明往生淨土之教者華嚴法華隨求尊勝  
等明諸往生淨土之諸經是也又起信論寶性論  
十住毗婆沙論攝大乘論等明諸往生淨土之諸  
論是也凡此集中立聖道淨土二門意者為令捨  
聖道入淨土門也就此有二由一由去大聖遙遠  
二由理深解微此宗之中立二門者獨非道綽曇

選持集  
鸞天台迦才慈恩等諸師皆有此意且曇鸞法師  
往生論註云謹案龍樹菩薩十住毗婆沙云菩薩  
求阿毗跋致有二種道一者難行道二者易行道難  
行道者謂於五濁之世於無佛時求阿毗跋致爲  
難此難乃有多途粗言五三以示義意一者外道  
相善亂菩薩法二者聲聞自利障大慈悲三者無  
顧惡人破他勝德四者顛倒善果能壞梵行五者  
唯是自力無他力持如斯等事觸目皆是譬如陸  
路步行則苦易行道者謂但以信佛因緣願生淨

土乘佛願方便得往生彼清淨土佛力住持卽入  
大乘正定之聚正定卽是阿毘跋致譬如水路乘  
船則樂上此中難行道者卽是聖道門也易行道  
者卽是淨土門也難行易行聖道淨土其言雖異  
其意是同天台迦才同之應知又西方要決云仰  
惟釋迦啟運弘益有緣教闡隨方並霑法潤親逢  
聖化道悟三乘福薄因踈勸歸淨土作此業者專  
念弥陀一切善根廻生彼國弥陀本願誓度娑婆  
上盡現生一形下至臨終十念俱能決定皆得往

生<sub>已</sub>又同後序云夫以生居像李太聖斯遙道預  
三乘無方契悟人天兩位躁動不安智博情弘能  
堪久處也若識癡行淺恐溺幽塗必須遠跡娑婆  
栖心淨域<sub>已</sub>此中三乘者卽是聖道門意也淨土  
者卽是淨土門意也三乘淨土聖道淨土其名雖  
異其意亦同淨土宗學者先須知此旨設雖先學  
聖道門人若於淨土門有其志者須棄聖道歸於  
淨土例如彼曇鸞法師捨四論講說一向歸淨土  
道綽禪師閣涅槃廣業偏弘西方行上古賢哲猶

以如此末代愚魯寧不遵之哉問曰聖道家諸宗  
各有師資相承謂如天台宗者慧文南岳天台章  
安智威慧威玄朗湛然次第相承如真言宗者大  
日如來金剛薩埵龍樹龍智金智不空次第相承  
自餘諸宗又各有相承血脈而今所言淨土宗有  
師資相承血脈譜乎答曰如聖道家血脈淨土宗  
亦有血脈但於淨土一宗諸家亦不同所謂廬山  
慧遠法師慈愍三藏道綽善導等是也今且依道  
綽善導之一家論師資相承血脈者此亦有兩說

一者菩提流支三藏慧寵法師道場法師曇鸞法

師大海禪師法上法師

已上出安樂集

二者菩提流支三

藏曇鸞法師道綽禪師善導禪師懷感法師少康

法師

已上出唐宋兩傳

善導和尚立正雜二行捨雜行歸正行之文

觀經疏第四云就行立信者然行有二種一者正行

二者雜行言正行者專依往生經行行者是名正行

何者是也一心專讀誦此觀經弥陀經無量壽經等

一心專注思想觀察憶念彼國二報莊嚴若禮即一

心專禮彼佛若口稱即一心專稱彼佛若讚歎供養

即一心專讚歎供養是名為正又就此正中復有二

種一者一心專念弥陀名號行住坐臥不問時節久

近念念不捨者是名正定之業順彼佛願故若依禮

誦等即名為助業除此正助二行已外自餘諸善悉

名雜行若修前正助二行心常親近憶念不斷名為

無間也若行後雜行即心常間斷雖可迴向得生眾

名疎雜之行也

私云就此文有二意一明往生行相二判二行得

失初明往生行相者依善導和尚意往生行雖多  
大分爲二一正行二雜行初正行者付之有開合  
二義初開爲五種後合爲二種初開爲五種者一  
讀誦正行二觀察正行三禮拜正行四稱名正行  
五讚歎供養正行也第一讀誦正行者專讀誦觀  
經等也卽文云一心專讀誦此觀經弥陀經無量  
壽經等是也第二觀察正行者專觀察彼國依正  
二報也卽文云一心專注思想觀察憶念彼國二  
報莊嚴是也第三禮拜正行者專禮彌陀也卽文

云若禮卽一心專禮彼佛是也第四稱名正行者  
專稱弥陀名號也卽文云若口稱卽一心專稱彼佛  
是也第五讚歎供養正行者專讚歎供養弥陀也  
卽文云若讚歎供養卽一心專讚歎供養是名爲  
正是也若開讚歎與供養而爲二者可名六種正  
行也今依合義故云五種次合爲二種者一者正  
業二者助業初正業者以上五種之中第四稱名  
爲正定之業卽文云一心專念弥陀名號行住坐  
臥不問時節久近念念不捨者是名正定之業順



彼佛願故是也次助業者除第四口稱之外以讀誦等四種而爲助業卽文云若依禮誦等卽名爲助業是也問曰何故五種之中獨以稱名念佛爲正定業乎答曰順彼佛願故意云稱名念佛是彼佛本願行也故修之者乘彼佛願必得往生也其本願義至下可知次雜行者卽文云除此正助二行已外自餘諸善悉名雜行是也意云雜行無量不遑具述但今且翻對五種正行以明五種雜行也一讀誦雜行二觀察雜行三禮拜雜行四稱

名雜行五讚歎供養雜行也第一讀誦雜行者除上觀經等往生淨土經已外於大小乘顯密諸經受持讀誦悉名讀誦雜行第二觀察雜行者除上極樂依正已外大小顯密事理觀行皆悉名觀察雜行第三禮拜雜行者除上禮拜彌陀已外於一切諸餘佛菩薩等及諸世天等禮拜恭敬悉名禮拜雜行第四稱名雜行者除上稱彌陀名號已外稱自餘一切佛菩薩等及諸世天等名號悉名稱名雜行第五讚歎供養雜行者除上彌陀佛已外

於一切諸餘佛菩薩等及諸世天等讚歎供養悉  
名讚歎供養雜行此外亦有布施持戒等無量之  
行皆可攝盡雜行言次判二行得失者若修前正  
助二行心常親近憶念不斷名爲無間也若行後  
雜行卽心常間斷雖可回向得生衆名疎雜之行  
卽其文也案此文意就正雜二行有五番相對一  
親疎對二近遠對三有間無間對四回向不回向  
對五純雜對也第一親疎對者先親者修正助二  
行者於阿彌陀佛以爲親昵故疏上文云衆生起  
行口常稱佛佛卽聞之身常禮敬佛佛卽見之心  
常念佛佛卽知之衆生憶念佛者佛亦憶念衆生  
彼此三業不相捨離故名親緣也次疎者雜行也  
衆生口不稱佛佛卽不聞之身不禮佛佛卽不見  
之心不念佛佛卽不知之衆生不憶念佛者佛不  
憶念衆生彼此三業常相捨離故名疎行也第二  
近遠對者先近者修正助二行者於阿彌陀佛甚  
爲鄰近故疏上文云衆生願見佛佛卽應念現在  
目前故名近緣也次遠者雜行也衆生不願見佛

佛卽不應念不現目前故名遠也但親近義是雖似一善導之意分而爲二其旨見疏文故今所引釋也第三無間有間對者先無間者修正助二行者於阿彌陀佛憶念不間斷故云名爲無間是也次有間者修雜行者於阿彌陀佛憶念常間斷故云心常間斷是也第四不回向回向對者修正助二行者縱令別不用回向自然成往生業故疏上文云今此觀經中十聲稱佛卽有十願十行具足云何具足言南無者卽是歸命亦是發願回向之義

言阿彌陀佛者卽是其行以斯義故必得往生上次回向者修雜行者必用回向之時成往生之因若不用回向之時不成往生之因故云雖可回向得生是也第五純雜對者先純者修正助二行者純是極樂之行也次雜者是純非極樂之行通於人天及以三乘亦通於十方淨土故云雜也然者西方行者須捨雜行修正行也問曰此純雜義於經論中有其證據乎答曰於大小乘經律論之中立純雜二門其例非一大乘卽於八藏之中而立

雜藏當知七藏是純一藏是雜小乘卽於四含之中而立雜含當知三含是純一含是雜律卽立二十犍度以明戒行其中前十九是純後一是雜犍度也論則立八犍度明諸法性相前七犍度是純後一是雜犍度也賢聖集中唐宋兩傳立十科法明高僧行德其中前九是純後一是雜科也乃至大乘義章有五聚法門前四聚是純後一是雜聚也亦非顯教密教之中有純雜法謂山家佛法血脈譜云一胎藏界曼陀羅血脈譜一首二金剛界

曼陀羅血脈譜一首三雜曼陀羅血脈譜一首前二首是純後一首是雜純雜之義雖多今略舉小分而已當知純雜之義隨法不定因茲今善導和尚意且於淨土行論純雜也此純雜義不局內典外典之中其例甚多恐繁不出矣但於往生行而分二行不限善導一師若依道綽禪師意者往生行雖多東而爲二一謂念佛往生二謂万行往生若依懷感禪師意往生行雖多東而爲二一謂念佛往生二謂諸行往生慧心同之如是三師各立二行

攝往生行甚得其旨自餘諸師不然行者應思之  
往生禮讚云若能如上念念相續畢命爲期者十卽  
十生百卽百生何以故無外雜緣得正念故與佛本  
願得相應故不違教故隨順佛語故若欲捨專修雜  
業者百時希得一二千時希得五三何以故乃由雜  
緣亂動失正念故與佛本願不相應故與教相違故  
不順佛語故係念不相續故憶想間斷故迴願不慙  
重真實故貪瞋諸見煩惱來間斷故無有慚愧懺悔  
心故又不相續念報彼佛恩故心生輕慢雖作業行

常與名利相應故人我自覆不親近同行善知識故  
樂近雜緣自障障他往生正行故何以故余比日自  
見聞諸方道俗解行不同專雜有異但使專意作者  
十卽十生修雜不至心者千中無一此二行得失如  
前已辨仰願一切往生人等善自思量已能今身願  
生彼國者行住坐臥必須勵心剋已晝夜莫廢畢命  
爲期上在一形似如少苦前念命終後念卽生彼國  
長時永劫常受無爲法樂乃至成佛不經生死豈非  
快哉應知

私云見此文彌須捨雜修專豈捨百即百生專修  
正行堅執千中無一雜修雜行乎行者能思量之  
彌陀如來不以餘行為往生本願唯以念佛為往  
生本願之文

無量壽經上云設我得佛十方衆生至心信樂欲生  
我國乃至十念若不生者不取正覺觀念法門引上  
文云若我成佛十方衆生願生我國稱我名字下至  
十聲乘我願力若不生者不取正覺

往生禮讚同引上文云若我成佛十方衆生稱我名  
號下至十聲若不生者不取正覺彼佛今現在世成  
佛當知本誓重願不虛衆生稱念必得往生

私云一切諸佛各有總別二種之願總者四弘誓  
願是也別者如釋迦五百大願藥師十二上願等  
是也今此四十八願者是彌陀別願也問曰彌陀  
如來於何時何佛所而發此願乎答曰壽經云佛  
告阿難乃往過去久遠無量不可思議無央數劫  
錠光如來興出於世教化度脫無量衆生皆令得  
道乃取滅度次有如來名曰光遠乃次名處世如

此諸佛五十三佛也皆悉已過爾時次有佛名世自在

王如來時有國王聞佛說法心懷悅豫尋發無上

正真道意棄國捐王行作沙門號曰法藏高才勇

哲與世超異詣世自在王如來所乃至於是世自在王

佛卽爲廣說二百一十億諸佛刹土天人之善惡

國土之麤妙應其心願悉現與之時彼比丘聞佛

所說嚴淨國土皆悉覩見超發無上殊勝之願其

心寂靜志無所著一切世間無能及者具足五劫

思惟攝取莊嚴佛國清淨之行阿難白佛彼佛國

土壽量幾何佛言其佛壽命四十二劫時法藏比

丘攝取二百一十億諸佛妙土清淨之行已又大

阿彌陀經云其佛卽選擇二百一十億佛國土中

諸天人民之善惡國土之好醜爲選擇心中所欲

願樓夷互羅佛此云世自在王佛說經畢曇摩迦此云便

一其心卽得天眼徹視悉自見二百一十億諸佛

國土中諸天人民之善惡國土之好醜卽選擇心

中所願便結得是二十四願經平等覺經亦復同之此中選

擇者卽是取捨義也謂於二百一十億諸佛淨土

中捨人天之惡取人天之善捨國土之醜取國土之好也大阿彌陀經選擇義如是雙卷經意亦有選擇義謂云攝取二百一十億諸佛妙土清淨之行是也選擇與攝取其言雖異其意是同然者捨不清淨行取清淨之行也上天人之善惡國土之麤妙其義亦然準之應知夫約四十八願一往各論選擇攝取之義者第一無二惡趣願者於所覩見之二百一十億土中或有有二惡趣之國土或有無二惡趣之國土卽選捨其有二惡趣麤惡國

土選取其無二惡趣善妙國土故云選擇也第二不更惡趣願者於彼諸佛土中或有縱雖國中無三惡道其國人天壽終之後從其國去復更二惡趣之土或有不更惡道之土卽選捨其更惡道麤惡國土選取其不更惡道善妙國土故云選擇也第三悉皆金色願者於彼諸佛土中或有一土之中有黃白二類人天之國土或有純黃金色之國土卽選捨黃白二類麤惡國土選取黃金一色善妙國土故云選擇也第四無有好醜願者於彼諸



佛土中或有人天形色好醜不同之國土或有形色一類無有好醜之國土卽選擇好醜不同麤惡國土選擇無有好醜善妙國土故云選擇也乃至第十八念佛往生願者於彼諸佛土中或有以布施爲往生行之土或有以持戒爲往生行之土或有以忍辱爲往生行之土或有以精進爲往生行之土或有以禪定爲往生行之土或有以般若信一義等爲往生行之土或有以菩提心爲往生行之土或有以六念爲往生行之土或有以持經爲

往生行之土或有以持咒爲往生行之土或有以起立塔像飯食沙門及以孝養父母奉事師長等種種之行各爲往生行之國土等或有專稱其國佛名爲往生行之土如此以一行配一佛土者是且一往之義也再往論之其義不定或有一佛土中以多行爲往生行之土或有多佛土中以一行通爲往生行之土如是往生行種種不同不可具述也卽今選擇捨前布施持戒乃至孝養父母等諸行選擇專稱佛號故云選擇也且約五願略論選

擇其義如自餘諸願準之應知問曰晉約諸願  
選捨麤惡選取善妙其理可然何故第十八願選  
捨一切諸行唯偏選取念佛一行為往生本願乎  
答曰聖意難測不能輒解雖然今試以二義解之  
一者勝劣義二者難易義初勝劣者念佛是勝餘  
行是劣所以者何名號者是功德之所歸也然則  
彌陀一佛所有四智三身十力四無畏等一切內  
證功德相好光明說法利生等一切外用功德皆  
悉攝在阿彌陀佛名號之中故名號功德最為勝

也餘行不然各守一隅是以爲劣也譬如世間屋  
舍名字之中攝棟梁椽柱等一切家具棟梁等一  
一名字中不能攝一切以之應知然則佛名號功  
德勝餘一切功德故捨劣取勝以爲本願歟次難  
易義者念佛易修諸行難修是故往生禮讚云問  
曰何故不令作觀直遣專稱名字者有何意也答  
曰乃由衆生障重境細心麤識颺神飛觀難成就  
也是以大聖悲憐直勸專稱名字正由稱名易故  
相續卽生已又往生要集問曰一切善業各有利

益各得往生何故唯勸念佛一門答曰今勸念佛  
非是遮餘種種妙行只是男女貴賤不簡行住坐  
臥不論時處諸緣修之不難乃至臨終願求往生  
得其便宜不如念佛已故知念佛易故通於一切  
諸行難故不通諸機然則爲令一切衆生平等往  
生捨難取易爲本願歟若夫以造像起塔而爲本  
願則貧窮困乏之類定絕往生望然富貴者少貧  
賤者甚多若以智慧高才而爲本願者愚鈍下智  
者定絕往生望然智慧者少愚癡者甚多若以多

聞多見而爲本願者少聞少見輩定絕往生望然  
多聞者少少聞者甚多若以持戒持律而爲本願  
者破戒無戒人定絕往生望然持戒者少破戒者  
甚多自餘諸行準之應知當知以上諸行等而爲  
本願者得往生者少不往生者多然則彌陀如來  
法藏比丘之昔被憊平等慈悲誓爲攝於一切不  
以造像起塔等諸行爲往生本願唯以稱名念佛  
一行為其本願也故法照禪師五會法事讚云彼  
佛因中立弘誓聞名念我總迎來不簡貧窮將富

貴不簡下智與高才不簡多聞持淨戒不簡破戒  
罪根深但使迴心多念佛能令瓦礫變成金已問  
曰一切菩薩雖立其願或有已成就亦有未成就  
未審法藏菩薩四十八願已為成就將為未成就  
也答曰法藏誓願一一成就何者極樂界中既無  
三惡趣當知是即成就無三惡趣之願也何以得  
知即願成就文云亦無地獄餓鬼畜生諸難之趣  
是也又彼國人天壽終之後無更三惡趣當知是  
即成就不更惡趣之願也以何得知即願成就文

云又彼菩薩乃至成佛不更惡趣是也又極樂人  
天既以無有一人不具三十二相當知是即成就  
具三十二相願也以何得知即願成就文云生彼  
國者皆悉具足三十二相是也如是初自無三惡  
趣願終至得三法忍願一一誓願皆以成就第十  
八念佛往生願豈孤以不成就乎然則念佛之人  
皆以往生以何得知即念佛往生願成就文云諸  
有衆生聞其名號信心歡喜乃至一念至心迴向  
願生彼國即得往生住不退轉是也凡四十八願

莊嚴淨土華池寶閣無非願力何於其中獨可疑  
惑念佛往生願乎加之一一願終云若不爾者不  
取正覺而阿彌陀佛成佛已來於今十劫成佛之  
誓既以成就當知一一之願不可虛設故善導云  
彼佛今現在世成佛當知本誓重願不虛衆生稱  
念必得往生上問曰經云十念釋云十聲念聲之  
義如何答曰念聲是一何以得知觀經下品下生  
云念聲不絕具足十念稱南無阿彌陀佛稱佛名  
故於念念中除八十億劫生滅之罪今依此文聲

卽是念念則是聲其意明矣加之大集月藏經云  
大念見大佛小念見小佛感師釋云大念者大聲  
念佛小念者小聲念佛故知念卽是唱也問曰經  
云乃至釋云下至其意如何答曰乃至與下至其  
意是一經云乃至者從多向少之言也多者上盡  
一形也少者下至十聲一聲等也釋云下至者下  
者對上之言也下者下至十聲一聲等也上者上  
盡一形也上下相對之文其例惟多宿命通願云  
設我得佛國中人天不識宿命下至不知百千億

那由他諸劫事者不取正覺如是五神通及以光明壽命等願中一一置下至之言是則從多至少以下對上之義也例上八種之願今此願乃至者卽是下至也是故今善導所引釋下至之言其意不相違但善導與諸師其意不同諸師之釋別云十念往生願善導獨總云念佛往生願諸師別云十念往生願者其意卽不周也所以然者上捨一形下捨一念之故也善導總言念佛往生願者其意卽周也所以然者上取一形下取一念之故也

三輩念佛往生之文

佛告阿難十方世界諸天人民其有至心願生彼國凡有三輩其上輩者捨家棄欲而作沙門發菩提心一向專念無量壽佛修諸功德願生彼國此等衆生臨壽終時無量壽佛與諸大衆現其人前卽隨彼佛往生其國便於七寶華中自然化生住不退轉智慧勇猛神通自在是故阿難其有衆生欲於今世見無量壽佛應發無上菩提之心修行功德願生彼國佛語阿難其中輩者十方世界諸天人民其有至心

願生彼國雖不能行作沙門大修功德當發無上菩提之心一向專念無量壽佛多少修善奉持齋戒起立塔像飯食沙門懸繒然燈散華燒香以此迴向願生彼國其人臨終無量壽佛化現其身光明相好具如真佛與諸大衆現其人前卽隨化佛往生其國住不退轉功德智慧次如上輩者也

佛告阿難其下輩者十方世界諸天人民其有至心欲生彼國假使不能作諸功德當發無上菩提之心一向專意乃至十念念無量壽佛願生其國若聞深法歡喜信樂不生疑惑乃至一念念於彼佛以至誠心願生其國此人臨終夢見彼佛亦得往生功德智慧次如中輩者也

私問曰上輩文中念佛之外亦有捨家棄欲等餘行中輩文中亦有起立塔像等餘行下輩文中亦有菩提心等餘行何故唯云念佛往生乎答曰善導和尚觀念法門云又此經下卷初云佛說一切衆生根性不同有上中下隨其根性佛皆勸專念無量壽佛名其人命欲終時佛與聖衆自來迎接

盡得往生依此釋意三輩共云念佛往生也問曰  
此釋未遑前難何棄餘行唯云念佛乎答曰斯有  
三意一為廢諸行歸於念佛而說諸行也二為助  
成念佛而說諸行也三約念佛諸行二門各為立  
三品而說諸行也一為廢諸行歸於念佛而說諸  
行者準善導觀經疏中云上來雖說定散兩門之  
益望佛本願意在眾生一向專稱彌陀佛名之釋  
意且解之者上輩之中雖說菩提心等餘行望上  
本願意唯在眾生專稱彌陀名而本願中更無餘

行三輩共依上本願故云一向專念無量壽佛也  
一向者對二向三向等之言也例如彼五竺有三  
種寺一者一向大乘寺此寺之中無學小乘二者  
一向小乘寺此寺之中無學大乘三者大小兼行  
寺此寺之中大小兼學故云兼行寺當知大小兩  
寺有一向言兼行之寺無一向言今此經中一向  
亦然若念佛外亦加餘行即非一向若準寺者可  
云兼行既云一向不兼餘明矣既先雖說餘行後  
云一向專念明知廢諸行唯用念佛故云一向若



不然者一向之言最以回消歟二爲助成念佛說此諸行者此亦有二意一以同類善根助成念佛二以異類善根助成念佛初同類助成者善導和尚觀經疏中舉五種助行助成念佛一行是也具如上正雜二行之中說次異類助成者先就上輩而論正助者一向專念無量壽佛者是正行也亦是所助也捨家棄欲而作沙門發菩提心等者是助行也亦是能助也謂往生之業念佛爲本故爲一向修念佛捨家棄欲而作沙門又發菩提心等也

就中出家發心等者且指初出及以初發念佛是長時不退之行寧容妨礙念佛也中輩之中亦有起立塔像懸繒然燈散華燒香等諸行是則念佛助成也其旨見往生要集謂助念方法中方處供具等是也下輩之中亦有發心亦有念佛助正之義準前可知三約念佛諸行各爲立三品而說諸行者先約念佛立三品者謂此三輩中通皆云一向專念無量壽佛是則約念佛門立其三品也故往生要集念佛證據門云雙卷經三輩之業雖有

淺深然通皆云一向專念無量壽佛感師同之次約諸行門立三品者謂此三輩中通皆有菩提心等諸行是則約諸行立其三品也故往生要集諸行往生門云雙卷經三輩亦不出此已凡如此三義雖有不同共是所以為一向念佛也初義即是為廢立而說謂諸行為廢而說念佛為立而說次義即是為助正而說謂為助念佛之正業而說諸行之助業後義即是為傍正而說雖說念佛諸行二門以念佛而為正以諸行而為傍故云三輩通皆念佛也但此等三義最難知請諸學者取捨在心今若依善導以初為正耳問曰三輩之業皆云念佛其義可然但觀經九品與壽經三輩本是開合異也若爾者何壽經三輩之中皆云念佛至觀經九品上中二品不說念佛至下品始說念佛也答曰此有二義一如問端云雙卷三輩觀經九品開合異者以此應知九品之中皆可念佛云何得知三輩之中皆有念佛九品之中盡無念佛乎故往生要集云問念佛之行於九品中是何品攝答

佛也但此等三義最難知請諸學者取捨在心今若依善導以初為正耳問曰三輩之業皆云念佛其義可然但觀經九品與壽經三輩本是開合異也若爾者何壽經三輩之中皆云念佛至觀經九品上中二品不說念佛至下品始說念佛也答曰此有二義一如問端云雙卷三輩觀經九品開合異者以此應知九品之中皆可念佛云何得知三輩之中皆有念佛九品之中盡無念佛乎故往生要集云問念佛之行於九品中是何品攝答

海幢集  
若如說行理當上上如是隨其勝劣應分九品然  
經所說九品行業是示一端理實無量已故知念  
佛亦可通九品二觀經之意初廣說定散之行晉  
逗衆機後廢定散二善歸念佛一行所謂汝好持  
是語等之文是也其義如下具述故知九品之行  
唯在念佛矣  
念佛利益之文

無量壽經下云佛語彌勒其有得聞彼佛名號歡喜  
踊躍乃至一念當知此人爲得大利則是具足無上  
功德

善導禮讚云其有得聞彼彌陀佛名號歡喜至一念  
皆當得生彼

私問曰準上三輩文念佛之外舉菩提心等功德  
何不歎彼等功德唯獨讚念佛功德乎答曰聖意  
難測定有深意且依善導一意而謂之者原夫佛  
意正直雖欲說唯念佛之行而隨機一往說菩提  
心等諸行分別三輩淺深不同然今於諸行者既  
捨而不歎置而不可論者也唯就念佛一行既選

而讚歎思而容分別者也若約念佛分別三輩此有二意一隨觀念淺深而分別之二以念佛多少而分別之淺深者如上所引若如說行理當上上是也次多少者下輩文中既有十念乃至一念數上中兩輩準此隨增觀念法門云日別念佛一萬遍亦須依時禮讚淨土莊嚴事大須精進或得三萬六萬十萬者皆是上品上生人當知三萬已上是上品上生業三萬已去是上品已下業既隨念數多少分別品位是明矣今此言一念者是指上念

佛願成就之中所言一念與下輩之中所明一念也願成就文中雖云一念未說功德大利又下輩文中雖云一念亦不說功德大利至此一念說為大利歎為無上當知是指上一念也此大利者是對小利之言也然則以菩提心等諸行而為小利以乃至一念而為大利也又無上功德者是對有上之言也以餘行而為有上以念佛而為無上也既以一念為一無上當知以十念為十無上又以百念為百無上又以千念為千無上如是展轉從

少至多念佛恆沙無上功德復應恆沙如是應知  
然則諸願求往生之人何廢無上大利念佛強修  
有上小利餘行乎

末法萬年後餘行悉滅特畱念佛之文

無量壽經下卷云當來之世經道滅盡我以慈悲哀  
愍特畱此經止住百歲其有衆生值斯經者隨意所  
願皆可得度

私問曰經唯云特畱此經止住百歲全不云特畱  
念佛止住百歲然今何云特畱念佛哉答曰此經

所詮全在念佛其旨見前不能再出善導懷感慧  
心等意亦復如是然則此經止住者卽念佛止住  
也所以然者此經雖有菩提心之言未說菩提心  
之行相又雖有持戒之言未說持戒之行相而說  
菩提心行相者廣在菩提心經等彼經先滅菩提  
心之行何因修之又說持戒行相者廣在大小戒律彼  
戒律先滅持戒之行何因修之自餘諸行準之應知  
故善導和尚往生禮讚釋此文云萬年三寶滅此  
經住百年爾時聞一念皆當得生彼又釋此文略

有四意一者聖道淨土二教住滅前後二者十方西方二教住滅前後三者兜率西方二教住滅前後四者念佛諸行二行住滅前後也一聖道淨土二教住滅前後者謂聖道門諸經先滅故云經道滅盡淨土門此經特留故云止住百歲也當知聖道機緣淺薄淨土機緣深厚也二十方西方二教住滅前後者謂十方淨土往生諸教先滅故云經道滅盡西方淨土往生此經特留故云止住百歲也當知十方淨土機緣淺薄西方淨土機緣深厚

也三兜率西方二教住滅前後者謂上生心地等上生兜率諸教先滅故云經道滅盡往生西方此經特留故云止住百歲也當知兜率雖近緣淺極樂雖遠緣深也四念佛諸行二行住滅前後者謂諸行往生諸教先滅故云經道滅盡念佛往生此經特留故云止住百歲也當知諸行往生機緣最淺念佛往生機緣甚深也加之諸行往生緣少念佛往生緣多又諸行往生近局末法万年之時念佛往生遠霑法滅百歲之代也問曰既云我以慈

悲哀愍特留此經止住百歲若爾者釋尊以慈悲而留經教何經何教而不留也而何不<sub>留</sub>餘經唯留此經乎答曰縱雖留何經別指一經者亦不避此難但特留此經有其深意歟若依善導和尚意者此經之中已說彌陀如來念佛往生本願釋迦慈悲爲<sub>留</sub>念佛殊留此經餘經之中未說彌陀如來念佛往生本願故釋尊慈悲以而不留之也凡四十八願皆雖本願殊以念佛爲往生規故善導釋云弘誓多門四十八偏標念佛最爲親人能念

佛佛還念專心想佛佛知人<sub>上</sub>故知四十八願之中旣以念佛往生之願而爲本願中之王也是以釋迦慈悲特以此經止住百歲也例如彼觀無量壽經中不付屬定散之行唯孤付屬念佛之行是卽順彼佛願之故付屬念佛一行也問曰百歲之間可<sub>留</sub>念佛其理可然此念佛行唯爲被彼時機將爲通於正像末法之機也答曰廣可通於正像末法舉後勸今其義應知

彌陀光明不照餘行者唯攝取念佛行者之文

觀無量壽經云無量壽佛有八万四千相一一相各有八万四千隨形好一一好復有八万四千光明一一光明徧照十方世界念佛眾生攝取不捨

同經疏云從無量壽佛下至攝取不捨已來正明觀身別相光益有緣卽有其五一明相多少二明好多少三明光多少四明光照遠近五明光所及處偏蒙攝益問曰備修衆行但能迴向皆得往生何以佛光普照唯攝念佛者有何意也答曰此有三義一明親緣衆生起行口常稱佛佛卽聞之身常禮敬佛佛卽

見之心常念佛佛卽知之衆生憶念佛者佛亦憶念衆生彼此三業不相捨離故名親緣也二明近緣衆生願見佛佛卽應念現在目前故名近緣也三明增上緣衆生稱念卽除多劫罪命欲終時佛與聖衆自來迎接諸邪業繫無能礙者故名增上緣也自餘衆行雖名是善若比念佛者全非比較也是故諸經中處處廣讚念佛功能如無量壽經四十八願中唯明專念彌陀名號得生又如彌陀經中一日七日專念彌陀名號得生又十方恆沙諸佛證誠不虛也又此



經定散文中唯標專念名號得生此例非一也廣顯念佛三昧竟

觀念法門云又如前身相等光一一徧照十方世界但有專念阿彌陀佛衆生彼佛心光常照是人攝護不捨總不論照攝餘雜業行者

私問曰佛光明唯照念佛者不照餘行者有何意乎答曰解有二義一者親緣等三義如文二者本願義謂餘行非本願故不照攝之念佛是本願故照攝之故善導和尚六時禮讚云彌陀身色如金

山相好光明照十方唯有念佛蒙光攝當知本願最爲強已又所引文中言自餘衆善雖名是善若比念佛者全非比校也者意云是約淨土門諸行而所比論也念佛是旣二百一十億中所選取妙行也諸行是旣二百一十億中所選捨麤行也故云全非比校也又念佛是本願行諸行是非本願故云全非比校也

念佛行者必可具足三心之文

觀無量壽經云若有衆生願生彼國者發三種心卽

便往生何等爲三二者至誠心三者深心三者迴向  
發願心具三心者必生彼國

同經疏云經云一者至誠心至者真誠者實欲明一  
切衆生身口意業所修解行必須真實心中作不得  
外現賢善精進之相內懷虛假貪嗔邪偽姦詐百端  
惡性難侵事同蛇蝎雖起三業名爲雜毒之善亦名  
虛假之行不名真實業也若作如此安心起行者縱  
使苦勵身心日夜十二時急走急作如灸頭然者衆  
名雜毒之善欲迴此雜毒之行求生彼佛淨土者此

必不可也何以故正由彼阿彌陀佛因中行菩薩行  
時乃至一念一剎那三業所修皆是真實心中作凡  
所施爲趣求亦皆真實又真實有二種二者自利真實  
二者利他真實言自利真實者復有二種一者真實  
心中制捨自他諸惡及穢國等行住坐臥想同一切  
菩薩制捨諸惡我亦如是也二者真實心中勤修自  
他凡聖等善真實心中口業讚歎彼阿彌陀佛及依  
正二報又真實心中口業毀厭三界六道等自他依  
正二報苦惡之事亦讚歎一切衆生三業所爲善若

非善業者敬而遠之亦不隨喜也又真實心中身業合掌禮敬四事等供養彼阿彌陀佛及依正二報又真實心中身業輕慢厭捨此生歿三界等自他依正二報又真實心中意業思想觀察憶念彼阿彌陀佛及依正二報如現目前又真實心中意業輕賤厭捨此生歿三界等自他依正二報不善三業必須真實心中捨又若起善三業者必須真實心中作不簡內外明闇皆須真實故名至誠心二者深心言深心者卽是深信之心也亦有二種一者決定深信自身現

是罪惡生死凡夫曠劫已來常沒常流轉無有出離之緣二者決定深信彼阿彌陀佛四十八願攝受衆生無疑無慮乘彼願力定得往生又決定深信釋迦佛說此觀經三福九品定散二善證讚彼佛依正二報使人欣慕又決定深信彌陀經中十方恒沙諸佛證勸一切凡夫決定得生又深信者仰願一切行者等一心唯信佛語不顧身命決定依行佛遣捨者卽捨佛遣行者卽行佛遣去處卽去是名隨順佛教隨順佛意是名隨順佛願是名真佛弟子又一切行者

但能依此經深信行者必不惧衆生也何以故佛是  
滿足大悲人故實語故除佛已還智行未滿在其學  
地由有正習二障未除果願未圓此等凡聖縱使測  
量諸佛教意未能決了雖有平章要須請佛證爲定  
也若稱佛意卽印可言如是如是若不可佛意者卽  
言汝等所說是義不如是不印者卽同無記無利無  
益之語佛印可者卽隨順佛之正教若佛所有言說  
卽是正教正義正行正解正業正智若多若少衆不  
問菩薩人天等定其是非也若佛所說卽是了教菩

薩等說盡名不了教也應知是故今時仰勸一切有  
緣往生人等唯可深信佛語專注奉行不可信用菩  
薩等不相應教以爲疑礙抱惑自迷廢失往生之大  
益也又深心深信者決定建立自心順教修行永除  
疑錯不爲一切別解別行異學異見異執之所退失  
傾動也問曰凡夫智淺惑障處深若逢解行不同人  
多引經論來相妨難證云一切罪障凡夫不得往生  
者云何對治彼難成就信心決定直進不生怯退也  
答曰若有人多引經論證云不生者行者卽報云仁

者雖將經論來證道不生如我意者決定不受汝破何以故然我亦不是不信彼諸經論盡皆仰信然佛說彼經時處別時別對機別利益別又說彼經時卽非說觀經彌陀經等時然佛說教備機時亦不同彼卽通說人天菩薩之解行今說觀經定散二善唯爲韋提及佛滅後五濁五苦等一切凡夫證言得生爲此因緣我今一心依此佛教決定奉行縱使汝等百千萬億道不生者唯增長成就我往生信心也又行者更向說言仁者善聽我今爲汝更說決定信相縱使地前菩薩羅漢辟支等若一若多乃至徧滿十方皆引經論證言不生者我亦未起一念疑心唯增長成就我清淨信心何以故由佛語決定成就了義不爲一切所破壞故又行者善聽縱使初地已上十地已來若一若多乃至徧滿十方異口同音皆云釋迦佛指讚彌陀毀此三界六道勸勵衆生專心念佛及修餘善畢此一身後必定生彼國者此必虛妄不可依信也我雖聞此等所說亦不生一念疑心唯增長成就我決定上上信心何以故乃由佛語真實決了

義故佛是實知實解實見實證非是疑惑心中語故  
又不爲一切菩薩異見異解之所破壞若實是菩薩  
者衆不違佛教也又置此事行者當知縱使化佛報  
佛若一若多乃至徧滿十方各各輝光吐舌徧覆千  
方一一說言釋迦所說相讚勸發一切凡夫專心念  
佛及修餘善面願得生彼淨土者此是虛妄定無此  
事也我雖聞此等諸佛所說畢竟不起一念疑退之  
心畏不得生彼佛國也何以故一佛一切佛所有知  
見解行證悟果位大悲等同無少差別是故一佛所

制卽一切佛同制如似前佛制斷殺生十惡等罪畢  
竟不犯不行者卽名十善十行隨順六度之義若有  
後佛出世豈可改前十善令行十惡也以此道理推  
驗明知諸佛言行不相違失縱令釋迦指勸一切凡  
夫盡此一身專念專修捨命已後定生彼國者卽十  
方諸佛悉皆同讚同勸同證何以故同體大悲故一  
佛所化卽是一切佛化一切佛化卽是一佛所化卽  
彌陀經中說釋迦讚歎極樂種種莊嚴又勸一切凡  
夫一日七日一心專念彌陀名號定得往生次下文

云十方各有恒河沙等諸佛同讚釋迦能於五濁惡  
時惡世界惡衆生惡見惡煩惱惡邪無信盛時指讚  
彌陀名號勸勵衆生稱念必得往生卽其證也又十  
方佛等恐畏衆生不信釋迦一佛所說卽共同心同  
時各出舌相徧覆三千世界說誠實言汝等衆生皆  
應信是釋迦所說所讚所證一切凡夫不問罪福多  
少時節久近但能上盡百年下至一日七日一心專  
念彌陀名號定得往生必無疑也是故一佛所說卽  
一切佛同證誠其事也此名就入立信也次就行立

信者然行有二種一者正行二者雜行云云如前二  
行之中所引  
恐繁不載  
見人得意二者回發願心言回向發願心者過去

及以今生身口意業所修世出世善根及隨喜他一  
切凡聖身口意業所修世出世善根以此自他所修  
善根悉皆真實深信心中回向願生彼國故名回向  
發願心也又回向發願願生者必須決定真實心中  
回向願作得生想此心深信由若金剛不爲一切異  
見異學別解別人等之所動亂破壞唯是決定一  
心投正直進不得聞彼人語卽有進退心生怯弱回

顧落道卽失往生之大益也問曰若有解行不同邪雜人等來相惑亂或說種種疑難道不得往生或云汝等衆生曠劫已來及以今生身口意業於一切凡聖身上具造十惡五逆四重謗法闡提破戒破見等罪未能除盡然此等之罪繫屬三界惡道云何一生修福念佛卽入彼無漏無生之國永得證悟不退位也答曰諸佛教行數越塵沙稟識機緣隨情非一譬如世間人眼可見可信者如明能破闇空能含有地能載養水能生潤火能成壞如此等事悉名待對之法卽目可見千差萬別何況佛法不思議之力豈無種種益也隨出一門者卽出一煩惱門也隨入一門者卽入一解脫智慧門也爲此隨緣起行各求解脫汝何以乃將非有緣之要行耶惑於我然我之所愛卽是我有緣之行卽非汝所求汝之所愛卽是汝有緣之行亦非我所求是故各隨所樂而修其行者必疾得解脫也行者當知若欲學解從凡至聖乃至佛果一切無礙皆得學也若欲學行者必藉有緣之法少用功勞多得益也又白一切往生人等今更爲行



者說一譬喻守護信心以防外邪異見之難何者是也譬如有人欲向西行百千之里忽然中路見有二河一是火河在南二是水河在北二河各闊百步各深無底南北無邊正水火中間有一白道可闊四五寸許此道從東岸至西岸亦長百步其水波浪交過溼道其火燄亦來燒道水火相交常無休息此人既至空曠迴處更無人物多有羣賊惡獸見此人單獨競來欲殺此人怖死直走向西忽然見此大河卽自念言此河南北不見邊畔中間見一白道極是狹小

二岸相去雖近何由可行今日定死不疑正欲到迴羣賊惡獸漸漸來逼正欲南北避走惡獸毒蟲競來向我正欲向西尋道而去復恐墮此水火二河當時惶怖不復可言卽自思念我今迴亦死住亦死去亦死一種不免死者我寧尋此道向前而去既有此道必應可度作此念時東岸忽聞人勸聲仁者但決定尋此道行必無死難若住卽死又西岸上有久喚言汝一心正念直來我能護汝衆不畏墮於水火之難此人旣聞此遣彼喚卽自正當身心決定尋道直進

不生疑怯退心或行一分二分東岸羣賊等喚言仁者迴來此道嶮惡不得過必死不疑我等衆無惡心相向此人雖聞喚聲亦不迴顧一心直進念道而行須臾卽到西岸永離諸難善友相見慶樂無已此是喻也次合喻者言東岸者卽喻此娑婆之火宅也言西岸者卽喻極樂寶國也言羣賊惡獸詐親者卽喻衆生六根六識六塵五陰四大也言無人空迴澤者卽喻常隨惡友不值真善知識也言水火二河者卽喻衆生貪愛如水瞋憎如火也言中間白道四五寸

者卽喻衆生貪瞋煩惱中能生清淨願往生心也乃由貪瞋強故卽喻如水火善心微故喻如白道又水波常溼道者卽喻愛心常起能深汚善心也又火焰常燒道者卽喻瞋嫌之心能燒功德之法財也言人行道上直向西者卽喻迴諸行業直向西方也言東岸聞人聲勸遣尋道直西進者卽喻釋迦已滅後人不見由有教法可尋卽喻之如聲也言或行一分二分羣賊等喚迴者卽喻別解別行惡見人等妄說見解迭相惑亂及自造罪退失也言西岸上有人喚者

卽喻彌陀願意也言須臾到西岸善友相見喜者卽  
喻衆生久沈生死曠劫輪迴迷倒自纏無由解脫仰  
蒙釋迦發遣指向西方又藉彌陀悲心招喚今信順  
二尊之意不願水火二河念念無遺乘彼願力之道  
捨命已後得生彼國與佛相見慶喜何極也又一切  
行者行住坐卧三業所修無間晝夜時節常作此解  
常作此想故名回向發願心又言回向者生彼國已  
還起大悲回入生死教化衆生亦名回向也三心旣  
具無行不成願行旣成若不生者無有是處也又此

三心亦通攝定善之義應知

往生禮讚云問曰今欲勸人往生者未知若爲安心  
起行作業定得往生淨國土也答曰必欲生彼國土  
者如觀經說者具三心必得往生何等爲三一者至  
誠心所謂身業禮拜彼佛口業讚歎稱揚彼佛意業  
專念觀察彼佛凡起三業必須真實故名至誠心二  
者深心卽是真實信心信知自身是具足煩惱凡夫  
善根薄少流轉三界不出火宅今信知彌陀本弘誓  
願及稱名號下至十聲一聲等定得往生乃至一念

無有疑心故名深心三者回向發願心所作一切善根悉皆回願往生故名回向發願心具此三心必得生也若少一心卽不得生如觀經具說應知

私云所引三心者是行者至要也所以者何經則云具三心者必生彼國明知具三必應得生釋則云若少一心卽不得生明知一少是更不可因茲欲生極樂之人全可具足三心也其中至誠心者是真實心也其相如彼文但外現賢善精進相內懷虛假者外者對內之辭也謂外相與內心不調

之意卽是外智內愚也賢者對愚之辭也謂外是賢內卽愚也善者對惡之辭也謂外是善內卽惡也精進者對懈怠之辭也謂外示精進相內卽懷懈怠心也若夫翻外蓄內者祇應備出要內懷虛假等者內者對外之辭也謂內心與外相不調之意卽是內虛外實也虛者對實之辭也謂內虛外實者也假者對真之辭也謂內假外真也若夫翻內播外者亦可足出要次深心者謂深信之心當知生死之家以疑爲所止涅槃之城以信爲能入

故今建立二種信心決定九品往生者也又此中言一切別解別行異學異見等者是指聖道門解行學見也其餘卽是淨土門意在文可見明知善導之意亦不出此二門也回向發願心之義不可俟別釋行者應知之此三心者總而言之通諸行法別而言之在往生行今舉通攝別意卽周矣行者能用心敢勿令忽緒

念佛行者可行用四修法之文

善導往生禮讚云又勸行四修法何者爲四一者恭敬修所謂恭敬禮拜彼佛及彼一切聖衆等故名恭敬修畢命爲期誓不中止卽是長時修二者無餘修所謂專稱彼佛名專念專想專禮專讚彼佛及一切聖衆等不雜餘業故名無餘修畢命爲期誓不中止卽是長時修三者無間修所謂相續恭敬禮拜稱名讚歎憶念觀察迴向發願心心相續不以餘業來間故名無間修又不以貪瞋煩惱來間隨犯隨懺不令

隔念隔時隔日常使清淨亦名無間修畢命爲期誓  
不中止卽是長時修

西方要決云但修四修以爲正業一者長時修從初  
發心乃至菩提恒作淨因終無退轉二者恭敬修此  
復有五一敬有緣聖人謂行住坐卧不背西方涕唾  
便痢不向西方也二敬有緣像教謂造西方彌陀像變  
不能廣作但作一佛二菩薩亦得教者彌陀經等五  
色帟盛自讀教陀斯之經像安置室中六時禮懺香  
華供養特生尊重三敬有緣善知識謂宜淨土教者

若千由旬十由旬已來竝須敬重親近供養別學之  
者總起敬心與已不同但知深敬也若生輕慢得罪  
無窮故須總敬卽除行障四敬同緣伴謂同修業者  
自雖障重獨業不成要藉良朋方能作行扶危救厄  
助力相資同伴善緣深相保重五敬三寶同體別相  
竝合深敬不能具錄爲淺行者不果依修住持三寶  
者與今淺識作大因緣今粗料簡言佛寶者謂雕檀  
繡綺素質金容鏤玉圖繪磨石削土此之靈像特可  
尊兼暫爾觀形罪消增福若生少慢長惡善亡但想

尊容當見真佛言法寶者三乘教旨法界所流名句  
所詮能生解緣故須珍仰以發慧基鈔寫尊經恒安  
淨室箱篋盛貯竝合嚴敬讀誦之時身手清潔言僧  
寶者聖僧菩薩破戒之流等心起敬勿生慢想三者  
無間修謂常念佛作往生心於一切時心恒想巧譬  
若有人被花抄掠身為下賤備受艱辛忽思父母欲  
走歸國行裝未辦由在佗鄉日夜思惟苦不堪忍無  
時暫捨不念耶孃為計既成便歸得達親近父母縱  
任歡娛行者亦然往因煩惱壞亂善心福智珍財竝

皆散失久流生死制不自由恒與魔王而作僕使驅  
馳六道苦切身心今遇善緣忽聞彌陀慈父不違弘  
願濟拔羣生日夜驚忙發心願往所以精勤不倦當  
念佛恩報盡為期心恒計念四者無餘修謂專求極  
樂禮念彌陀但諸餘業行不令雜起所作之業日別  
須修念佛誦經不留餘課耳

私云四修之文可見恐繁而不解但前文中既云  
四修唯有三修若脫其文若有其意也豈非脫文  
有其深意也何以得知四修者一長時修二殷重

修三無餘修四無間修也而以初長時只是通用  
後三修也謂慳重若退慳重之行卽不可成無餘  
若退無餘之行卽不可成無間若退無間之行卽  
不可成爲使成就此三修行皆以長時屬於三修  
所令通修也故三修之下皆結云畢命爲期抵不  
中止卽是長時修是也例如彼精進通於餘五度  
而已

彌陀化佛來迎不讚歎聞經之善唯讚歎念佛之  
行之文

觀無量壽經云或有衆生作衆惡業雖不誹謗方等  
經典如此愚人多造衆惡無有慚愧命欲終時遇善  
知識爲讚大藥十二部經首題名字以聞如是諸經  
名故除卻千劫極重惡業智者復教合掌叉手稱南  
無阿彌陀佛稱佛名故除五十億劫生歿之罪爾時  
彼佛卽遣化佛化觀世音化大勢至至行者前讚言  
善男子汝稱佛名故諸罪消滅我來迎汝同經疏云  
所聞化讚但述稱佛之功我來迎汝不論聞經之事  
然望佛願意者唯勸正念稱名往生義疾不同雜散



之業如此經及諸部中處處廣歎勸令稱名將爲要  
益也應知

私云聞經之善是非本願雜業故化佛不讚念佛  
之行是本願正業故化佛讚歎加之聞經與念佛  
滅罪多少不同也觀經疏云問曰何故聞經十二  
部但除罪千劫稱佛一聲卽除罪五百万劫者何意  
也答曰造罪之人障重加以夙苦來逼善人雖說  
多經貪受之心浮散由心散故除罪稍輕又佛名  
是一卽能攝散以住心復教令正念稱名由心重

故卽能除罪多劫也

約對雜善讚歎念佛之文

觀無量壽經云若念佛者當知此人是人中分陀利  
華觀世音菩薩大勢至菩薩爲其勝友當坐道場生  
諸佛家

同經疏云從若念佛者下至生諸佛家已來正顯念  
佛三昧功能超絕實非雜善得爲比類卽有其五一  
明專念彌陀佛名二明指讚能念之人三明若能相  
續念佛者斯人甚爲希有更無物可以方之故引分

陀利爲喻言分陀利者名人中好華亦名希有華亦名人中上上華亦名人中妙好華此華相傳名蔡華是若念佛者卽是人中好人人中妙好人人中上上人中希有人人中最勝人也四明專念彌陀名者卽觀音勢至常隨影護亦如親友知識也五明今生旣蒙斯益捨命卽入諸佛之家卽淨土是也到彼長時聞法歷事供養因圓果滿道場之座豈賒

私問曰經云若念佛者當知此人等唯約念佛者而讚歎之釋家有何意云實非雜善得爲比類相

對雜善獨歎念佛乎答曰文中雖隱義意是明所以知者此經旣說定散諸善并念佛行而於其中獨標念佛喻分陀利非待雜善云何能顯念佛功超餘善諸行然則念佛者卽是人中好人者是待惡而所美也言人中妙好人者是待麤惡而所稱也言人中上上人者是待下下而所讚也言人中希有人者是待常有而所歎也言人中最勝人者是待最劣而所褒也問曰旣以念佛名上上者何故不說上上品中至下下品而說念佛乎答曰豈

前不云念佛之行廣互九品卽前所引往生要集云隨其勝劣應分九品是也加之下品下生是五逆重罪之人也而能除滅逆罪所不堪餘行唯有念佛之力能堪滅於重罪故爲極惡最下之人而說極善最上之法例如彼無明淵源之病非中道府藏之藥卽不能治今此五逆重病淵源亦此念佛靈藥府藏非此藥者何治此病故弘法大師二教論引六波羅蜜經云第三法寶者所謂過去無量諸佛所說正法及我今所說所謂八萬四千諸

妙法蘊乃至調伏純熟有緣衆生而令阿難陀等諸大弟子一聞於耳皆悉憶持攝爲五分一素咀纜二毗奈耶三阿毗達磨四般若波羅蜜多五陀羅尼門此五種藏教化有情隨所應度而爲說之若彼有情樂處山林常居閒寂修靜慮者而爲彼說素咀纜藏若彼有情樂習威儀護持正法一味和合令得久住而爲彼說毗奈耶藏若彼有情樂說正法分別性相循環研覈究竟甚深而爲彼說阿毘達磨藏若彼有情樂習大乘真實智慧離於

我法執著分別而為彼說般若波羅蜜多藏若彼有情不能受持契經調伏對法般若或復有情造諸惡業四重八重五無間罪謗方等經一闡提等種種重罪使得銷滅速疾解脫頓悟涅槃而為彼說諸陀羅尼藏此五法藏譬如乳酪生酥熟酥及妙醍醐契經如乳調伏如酪對法教者如彼生酥大藥般若猶如熟酥總持門者譬如醍醐醍醐之味乳酪酥中微妙第一能除諸病令諸有情身心安樂總持門者契經等中最為第一能除重罪令

諸衆生解脫生死速證涅槃安樂法身已斯中五無間罪者是五逆罪也即非醍醐之妙藥者五無間病甚為難療念佛亦然往生教中念佛三昧是如總持亦如醍醐若非念佛三昧醍醐之藥者五逆洩重病甚為難治應知問曰若爾者下品上生是十惡輕罪之人何故說念佛乎答曰念佛三昧重罪尚滅何況輕罪哉餘行不然或有減輕而不滅重或有消一而不消二念佛不然輕重兼滅一切徧治譬如阿伽陀藥徧治一切病故以念佛為

王三昧凡九品配當是一往義五逆迴心通於上  
上讀誦妙行亦通下下十惡輕罪破戒次罪各通  
上下解第一義發菩提心亦通上下一法各有九  
品若約品卽九九八十一品也加之迦才云衆生  
起行既有千殊往生見土亦有萬別也見一往文  
莫起封執其中念佛是卽勝行故引分陀利以爲  
其喻譬意應知加之念佛行者觀音勢至如影與  
形暫不捨離餘行不爾又念佛者捨命已後決定  
往生極樂世界餘行不定凡流五種嘉譽蒙二尊

影護斯是現益也亦往生淨土乃至成佛此是當  
益也又道綽禪師於念佛一行立始終兩益安樂  
集云念佛衆生攝取不捨壽盡必生此名始益言  
終益者依觀音授記經云阿彌陀佛住世長久非  
載永劫亦有滅度般涅槃時唯有觀音勢至住持  
安樂接引十方其佛滅度亦與住世時節等同然  
彼國衆生一切無有覩見佛者唯有一向專念阿  
彌陀佛往生者常見彌陀現在不滅此卽是其終  
益也已當知念佛有如此等現當二世始終兩益

應知

釋尊不付屬定散諸行唯以念佛付屬阿難之文  
觀無量壽經云佛告阿難汝好持是語持是語者卽  
是持無量壽佛名

同經疏云從佛告阿難汝好持是語已下正明付屬  
彌陀名號流通於遐代上來雖說定散兩門之益望  
佛本願意在衆生一向專稱彌陀佛名

私云案疏文有二行一定散二念佛初言定散者  
又分爲二一定善二散善初付定善有其十三二

者日想觀二者水想觀三者地想觀四者寶樹觀  
五者寶池觀六者寶樓閣觀七者華座觀八者像想  
觀九者阿彌陀佛觀十者觀音觀十一者勢至觀  
十二者普徃生觀十三者雜想觀具如經說縱雖  
無餘行或一或多隨其所堪修十三觀可得徃生  
其旨見經敢莫疑慮次付散善有二者三福二者  
九品初三福者經曰一者孝養父母奉事師長慈  
心不殺修十善業二者受持三歸具足衆戒不犯  
威儀三者發菩提心深信因果讀誦大乘勸進行

者已上經文孝養父母者付之有二世間孝養二出世  
孝養也世間孝養者如孝經等說出世孝養者如  
律中生緣奉仕法奉事師長者付之又有一世  
間師長二出世師長也世間師者教仁義禮智信  
等師也出世師者教聖道淨土二門等師也縱雖  
無餘行以孝養奉事為往生業也慈心不殺修十  
善業者就此有二義一者初慈心不殺者是四無  
量心中初慈無量也即舉初一攝後三也縱雖無  
餘行以四無量心為往生業也次修十善業者一

不殺生二不偷盜三不邪淫四不妄語五不綺語  
六不惡口七不兩舌八不貪九不瞋十不邪見也  
二者合慈心不殺修十善業二句而為一句謂初  
慈心不殺者此非四無量之中慈無量是指十善  
之初不殺故知正是十善之一句也縱雖無餘行  
以十善業為往生業也受持三歸者歸依佛法僧  
也就此有二一者大藥三歸二者小藥三歸也具  
足衆戒者此亦有二一者大藥戒二者小藥戒也  
不犯威儀者此亦有二一者大藥謂有八万二者

小乘謂有三千發菩提心者諸師意不同也天台  
卽有四教菩提心謂藏通別圓是也具如止觀說  
真言卽有三種菩提心謂行願勝義三摩地是也  
具如菩提心論說華嚴亦有菩提心如彼菩提心  
義及遊心安樂道等說三論法相各有菩提心具  
如彼宗章疏等說又有善導所釋菩提心具如疏  
述發菩提心其言雖一各隨其宗其義不同然則  
菩提心之一句廣互諸經徧該顯密意氣博遠詮  
測沖邈願諸行者莫執一遮方諸求往生之人各

須發自宗之菩提心縱雖無餘行以菩提心爲往  
生業也深信因果者付之有二一者世間因果二  
者出世因果世間因果者卽六道因果也如正法  
念經說出世因果者卽四聖因果也如諸大小乘  
經說若以此因果二法徧攝諸經者諸家不同且  
依天台謂華嚴者說佛菩薩二種因果阿含者說  
聲聞緣覺二乘因果方等諸經者說四乘因果也  
般若諸經者說通別圓因果法華者說佛因佛果  
涅槃者又說四乘因果也然則深信因果之言徧



晉該羅於一代矣諸求往生之人縱雖無餘行以  
深信因果可爲往生業讀誦大藥者分而爲二一  
者讀誦二者大藥讀誦者卽是五種法師之中舉  
轉讀諷誦二師顯受持等三師若約十種法行者  
卽是舉披讀諷誦二種法行顯書寫供養等八種  
法行也大藥者簡小藥之言也別非指一經通於  
一切諸大藥經謂一切者佛意廣指一代所說諸  
大藥經而於一代所說有已結集經有未結集經  
又於已結集經或有隱龍宮不流布人間之經或

有留天竺未來到漢地之經而今就翻譯將來之  
經而論之者貞元入藏錄中始自大般若經六百  
卷終于法常住經顯密大藥經總六百二十七部二  
千八百八十三卷也皆須攝讀誦大藥之一句願西方  
行者各隨其意樂或讀誦法華以爲往生業或讀誦  
華嚴以爲往生業或受持讀誦遮那教王及以諸尊  
法等以爲往生業或解說書寫般若方等及以涅槃  
經等以爲往生業是則淨土宗觀無量壽經意也問  
曰顯密旨異何顯中攝密乎答曰斯非云攝顯密之旨

貞元入藏錄中同編之而入大藥經限故攝讀誦大藥一句也問曰爾前經中何攝法華乎答曰今所言攝者非論權實偏圓等義讀誦大藥之言普通前後大藥諸經前者觀經已前諸大藥經是也後者王宮已後諸大藥經是也唯云大藥而無蓮權實然則正當華嚴方等般若法華涅槃等諸大藥經也勸進行者者謂勸進定散諸善及念佛三昧等也次九品者開前三福爲九品業謂上品上生中言慈心不殺者卽當上世福中第三之句次具諸戒

行者卽當上戒福中第二之句具足衆戒次讀誦大藥者卽當上行福中第三句讀誦大藥次修行六念者卽上第三福中第三句之意也上品中生中言善解義趣等者卽是上第三福中第二第三意也上品下生中言深信因果發道心等者卽是上第三福第一第二意也中品上生中言受持五戒等者卽上第二福中第二句意也中品中生中言或一日一夜受持八戒齋等者又同上第二福之意也中品下生中言孝養父母行世仁慈等者

卽上初福第一第二句意也下品上生者是十惡  
罪人也臨終一念罪滅得生下品中生者是破戒  
罪人也臨終聞佛依正功德罪滅得生下品下生  
者是五逆罪人也臨終十念罪滅得生此之三品  
尋常之時唯造惡業雖不求往生臨終之時始遇  
善知識卽得往生若準上三福者第三福大藥意  
也定善散善大藥如此文卽云上來雖說定散兩  
門之益是也次念佛者專稱彌陀佛名是也念佛  
義如常而今言正明付屬彌陀名號流通於遐代

者凡斯經中旣廣雖說定散諸行卽以定散不令  
付屬阿難流通後世唯以念佛三昧一行卽使付  
屬阿難流通遐代也問曰何故以定散諸行而不  
付屬流通乎若夫依業淺深嫌不付屬三福業中  
有淺有深其淺業者孝養父母奉事師長也其深  
業者具足衆戒發菩提心深信因果讀誦大藥也  
須捨淺業付屬深業若依觀淺深嫌不付屬十三  
觀中有淺有深其淺觀者日想水想是也其深觀  
者始自地觀終于雜想觀總十一觀是也須捨淺

觀付屬淺觀就中第九觀是阿彌陀佛觀也即是  
 觀佛三昧也須捨十二觀付屬觀佛三昧也就中  
 同疏玄義分中云斯經觀佛三昧為宗亦念佛三  
 昧為宗既以二行為一經宗何廢觀佛三昧而付  
 屬念佛三昧哉答曰云望佛本願意在衆生一向  
 專稱彌陀佛名定散諸行非本願故不付屬之亦  
 於其中觀佛三昧雖殊勝行非佛本願故不付屬  
 念佛三昧是佛本願故以付屬之言望佛本願者  
 指雙卷經四十八願中第十八願也言一向專稱

者指同經三輩之中一向專念也本願之義具如  
 前辨問曰若爾者何故直不說本願念佛行煩說  
 非本願定散諸善乎答曰本願念佛行雙卷經中  
 委既說之故重不說耳又說定散為顯念佛超過  
 餘善若無定散何顯念佛特秀例如法華秀三說  
 上若無三說何顯法華第一故今定散為廢而說  
 念佛三昧為立而說但定散諸善皆用難測凡定  
 善者夫依正之觀懸鏡而照臨往生之願指掌而  
 速疾或一觀之力能祛多劫之罪僣或具憶之功

終得三昧之勝利然則求往生之人宜修行定觀  
就中第九真身觀是觀佛三昧之法也行若成就  
者即見彌陀身見彌陀故得見諸佛見諸佛故現  
前授記斯觀利益最甚深也然今至觀經流通分  
釋迦如來告命阿難因使付屬流通往生要法嫌  
觀佛法尚不付屬阿難而選念佛法即以付屬阿  
難觀佛三昧之法尚以不付屬何況於日想水想  
等觀乎然則十三定觀皆以所不付屬之行也然  
世人若樂觀佛等不修念佛是遠非乖彌陀本願

亦是近違釋尊付屬行者宜商量次散善中有大  
小持戒行世皆以爲持戒行者是入真要也破戒  
之者不可往生又有菩提心行人皆以爲菩提心  
是淨土綱要若無菩提心者即不可往生又有解  
第一義行此是理觀也人亦以爲理是佛源離理  
不可求佛土若無理觀者不可往生又有讀誦大  
乘行人皆以爲讀誦大乘經即可往生若無讀誦  
行者不可往生就此有二一者持經二者持呪持  
經者持般若法華等諸大乘經也持呪者持隨求

尊勝光明阿彌陀等諸神呪也凡散善十一人皆雖貴而於其中斯四箇行當世之人殊所欲之行也以此等行殆抑念佛倩尋經意者不以此諸行付屬流通唯以念佛一行即使付屬流通後世應知釋尊所以不付屬諸行者卽是非彌陀本願之故也亦所以付屬念佛者卽是彌陀本願之故也今又善導和尚所以廢諸行歸念佛者卽爲彌陀本願之上亦是釋尊付屬之行也故知諸行非機失時念佛往生當機得時感應豈庸捐哉當知隨

他之前輩雖開定散門隨自之後還閉定散門一開以後永不閉者唯是念佛一門彌陀本願釋尊付屬意在斯矣行者應知亦此中退代者依雙卷經意遠指末法万年之後百歲之時也是則舉遐攝邇也然者法滅之後猶以然也何況末法哉末法已然何況正法像法哉故知念佛往生道通正像末之三時及法滅百歲之時焉

以念佛爲多善根以雜善爲小善根之文

阿彌陀經云不可以少善根福德因緣得生彼國舍

利弗若有善男子善女人聞說阿彌陀佛執持名號  
若一日若二日若三日若四日若五日若六日若七日一心  
不亂其人臨命終時阿彌陀佛與諸聖衆現在其前  
是人終時心不顛倒卽得往生阿彌陀佛極樂國土  
善導釋此文云極樂無爲涅槃界隨緣雜善恐難生  
故使如來選要法教念彌陀專復專七日七夜心無  
間長時起行倍皆然臨終聖衆持華現身心踊躍坐  
金蓮坐時卽得無生忍一念迎將至佛前法侶將衣  
競來著證得不退入三賢

私云不可以少善根福德因緣得生彼國者諸餘  
雜行者難生彼國故云隨緣雜善恐難生少善根  
者對多善根之言也然則雜善是少善根也念佛  
是多善根也故龍舒淨土文云襄陽石刻阿彌陀  
經乃隋陳仁稜所書字畫清婉人多慕玩自一心  
不亂而下云專持名號以稱名故諸罪消滅卽是  
多善根福德因緣今世傳本脫此二十一字已非  
帝有多少義亦有大小義謂雜善是小善根也念  
佛是大善根也亦有勝劣義謂雜善是劣善根也

念佛是勝善根也其義應知

六方恆沙諸佛不證誠餘行唯證誠念佛之文

善導觀念法門云又如彌陀經云六方各有恆河沙等諸佛皆舒舌徧覆三千世界說誠實言若佛在世若佛滅後一切造罪凡夫但迴心念阿彌陀佛願生淨土上盡百年下至七日一日十聲三聲一聲等命欲終時佛與聖衆自來迎接即得往生如上六方等佛舒舌定爲凡夫作證罪滅得生若不依斯證得生者六方諸佛舒舌一出口已後終不還入口自然壞

爛

同往生禮讚引阿彌陀經云東方如恆河沙等諸佛南西北方及上下一一方如恆河沙等諸佛各於本國出其舌相徧覆三千大千世界說誠實言汝等衆生皆應信是一切諸佛所護念經云何名護念若有衆生稱念阿彌陀佛若七日及一日下至十聲乃至一聲一念等必得往生證誠此事故名護念經又云六方如來舒舌證專稱名號至西方到彼華開聞妙法十地願行自然彰



同觀經疏引阿彌陀經云又十方佛等恐畏衆生不信釋迦一佛所說卽共同心同時各出舌相徧覆三千世界說誠實言汝等衆生皆應信是釋迦所說所讚所證一切凡夫不問罪福多少時節久近但能上盡百年下至一日七日一心專念彌陀名號定得往生必無疑也

同法事讚云心心念佛莫生疑六方如來證不虛三業專心無雜亂百寶蓮華應時見

法照禪師淨土五會法事讚云萬行之中爲急要迅

速無過淨土門不但本師金口說十方諸佛其傳證私問曰何故六方諸佛證誠唯局念佛一行乎答曰若依善導意念佛是彌陀本願也故證誠之餘行不爾故無之也問曰若依本願證誠念佛者雙卷觀經等說念佛之時何不證誠乎答曰解有二義一解云雙卷觀經等中雖說本願念佛而兼明餘行故不證誠斯經一向純說念佛故證誠之二解云彼雙卷等中雖無證誠之言斯經已有證誠例此思彼於彼等經中所說念佛亦應有證誠之

義文雖在此經義通於彼經故天台十疑論云又  
阿彌陀經大無量壽經鼓音聲陀羅尼經等云釋  
迦佛說此經時有十方世界各恒河沙諸佛舒其  
舌相徧覆三千世界證誠一切衆生念阿彌陀佛  
乘佛本願大悲願力故決定得生極樂世界

六方諸佛護念念佛行者之文

觀念法門云又如彌陀經說若有男子女人七日七  
夜及盡一生一心專念阿彌陀佛願往生者此人常  
得六方恒河沙等佛共來護念故名護念經護念意

者亦不令諸惡鬼神得便亦無橫病橫死橫有厄難  
一切災部自然消散除不至心

往生禮讚云若稱佛往生者常爲六方恒沙等諸佛  
之所護念故名護念經今既有此增上誓願可憑諸  
佛子等何不勵意去也

私問曰唯有六方如來護念行者如何答曰不限  
六方如來彌陀觀音等亦來護念故往生禮讚云  
十往生經云若有衆生念阿彌陀佛願往生者彼  
佛卽遣二十五菩薩擁護行者若行若坐若住若

卧若晝若夜一切時一切處不令惡鬼惡神得其便也又如觀經云若稱禮念阿彌陀佛願往生彼國者彼佛卽遣無數化佛無數化觀音勢至菩薩護念行者復與前二十五菩薩等百重千重圍繞行者不問行住坐卧一切時處若晝若夜常不離行者今旣有斯勝益可憑願諸行者各須至心求往又觀念法門云又如觀經下文若有人至心常念阿彌陀佛及二菩薩觀音勢至常與行人作勝友知識隨逐影護又云又如般舟三昧經行品中

說云佛言若人專行此念彌陀佛三昧者常得一切諸天及四天大王龍神八部隨逐影護愛樂相見永無諸惡鬼神災障厄難橫加惱亂具如護持品中說又云除入三昧道場日別念彌陀佛一萬畢命相續者卽蒙彌陀加念得除罪障又蒙佛與聖衆常來護念旣蒙護念卽得延年轉壽釋迦如來以彌陀名號慇懃付屬舍利弗等之文阿彌陀經云佛說此經已舍利弗及諸比丘一切世間天人阿脩羅等聞佛所說歡喜信受作禮而去

善導法事讚釋此文云世尊說法時將了殷懃付屬  
彌陀名五濁增時多疑謫道俗相嫌不用聞見有修  
行起瞋毒方便破壞競生怨如此生旨闡提輩毀滅  
頓教永沈淪超過大地微塵劫未可得離三途身大  
衆同心皆懺悔所有破法罪因緣

私云凡案三經意諸行之中選擇念佛以爲首歸  
先雙卷經中有三選擇一選擇本願二選擇讚歎  
三選擇留教一選擇本願者念佛是法藏比丘於  
二百一十億之中所選擇往生之行也細旨見上

故云選擇本願也二選擇讚歎者上三輩中雖舉  
菩提心等餘行釋迦卽不讚嘆餘行唯於念佛而  
讚歎云當知一念無上功德故云選擇讚歎也三  
選擇留教者又上雖舉餘行諸善釋迦選擇唯留  
念佛一法故云選擇留教也次觀經中又有三選  
擇一選擇攝取二選擇化讚三選擇付屬一選擇  
攝取者觀經之中雖明定散諸行彌陀光明唯照  
念佛衆生攝取不捨故云選擇攝取也二選擇化  
讚者下品上生人雖有聞經稱佛二行彌陀化佛

選擇念佛云汝稱佛名故諸罪消滅我來迎汝故  
云選擇化讚也三選擇付屬者又雖明定散諸行  
唯獨付屬念佛一行故云選擇付屬也次阿彌陀  
經中有一選擇所謂選擇證誠也已於諸經中多  
雖說往生之諸行六方諸佛於彼諸行而不證誠  
至此經中說念佛往生六方恒沙諸佛各舒舌覆  
大千說誠實語而證誠之故云選擇證誠也加之  
般舟三昧經中又有一選擇所謂選擇我名也彌  
陀自說言欲來生我國者常念我名莫令休息故

三善處故  
行善處由

云選擇我名也本願攝取我名化讚此之四者是  
彌陀選擇也讚歎留教付屬斯之三者是釋迦選  
擇也證誠者六方恒沙諸佛之選擇也然則釋迦  
彌陀及十方各恒沙等諸佛同心選擇念佛一行  
餘行不爾故知三經共選念佛以爲宗致耳計也  
夫速欲離生處二種勝法中且闍聖道門選入淨  
土門欲入淨土門正雜二行中且拋諸雜行選應  
歸正行欲修於正行正助二業中猶倚於助業選  
應專正定正定之業者卽是稱佛名稱名必得生

通雅卷之六  
十一  
依佛本願故問曰華嚴天台真言禪門三論法相  
諸師各造淨土法門章疏何不依彼等師唯用善  
導一師乎答曰彼等諸師各皆雖造淨土章疏而  
不以淨土爲宗唯以聖道而爲其宗故不依彼等  
諸師也善導和尚偏以淨土而爲宗而不以聖道  
爲宗故偏依善導一師也問曰淨土祖師其數又  
多謂弘法寺迦才慈愍三藏等是也何不依彼等  
諸師唯用善導一師哉答曰斯等諸師雖宗淨土  
未發三昧善導和尚是三昧發得之人也於道既

有其證故且用之問曰若依三昧發得者懷感禪  
師亦是三昧發得之人也何不用之答曰善導是  
師也懷感是弟子也故依師不依弟子也況師資  
之釋其相違甚多故不用之問曰若依師不依弟  
子者道綽禪師者是善導和尚之師也抑又淨土  
祖師也何不用之答曰道綽禪師者是雖師未發  
三昧故自不知往生得否問善導曰道綽念佛得  
往生否導令辨一莖蓮華置之佛前行道七日不  
萎悴卽得往生依之七日果然華不萎黃綽歎其

淡詣因請入定觀當得生否導卽入定須臾報曰  
師當懺三罪方可往生一者師嘗安佛尊像<sub>上</sub>在檐  
牖下自處淡房二者驅使策役出家人三者營造  
屋宇損傷蟲命師宜於十方佛前懺第一罪於四  
方僧前懺第二罪於一切衆生前懺第三罪緇公  
靜思往咎皆曰不虛於是洗心悔謝訖而見導師  
曰師罪滅矣後當有白光照燭是師往生之相也  
已上新修 爰知善導和尚者行發三昧力堪師位  
往生傳 解行非凡將是曉矣況又時人諺曰佛法東行已

來未有禪師盛德矣絕倫之譽不可得而稱者歟  
加之條錄觀經文疏之刻頗感靈瑞屢預聖化既  
蒙聖冥加然造經科丈舉世而稱證定疏人貴之  
如佛經法卽彼疏第四卷奧云敬白一切有緣知  
識等余旣是生歿凡夫智慧淺短然佛教幽微不  
敢輒生異解遂卽標心結願請求靈驗方可造心  
南無歸命盡虛空徧法界一切三寶釋迦牟尼佛  
阿彌陀佛觀音勢至彼土諸菩薩大海衆及一切  
莊嚴相等某今欲出此觀經要義楷定古今若稱

三世諸佛釋迦佛阿彌陀佛等大悲願意者願於  
夢中得見如上所願一切境界諸相於佛像前結  
願已日別誦阿彌陀經三徧念阿彌陀佛三萬徧  
至心發願卽於當夜見西方空中如上諸相境界  
悉皆顯現雜色寶山百重千重種種光明下照於  
地地如金色中有諸佛菩薩或坐或立或語或嘿  
或動身手或住不動者旣見此相合掌立觀量久  
乃覺覺已不勝欣喜於卽條錄義門自斯已後每  
夜夢中常有一僧而來指授玄義科文旣了更不

復見後時脫本竟已復更至心要期七日日別誦  
阿彌陀經十徧念阿彌陀佛三萬徧初夜後夜觀  
想彼佛國土莊嚴等相誠心歸命一如上法當夜  
卽見三具磴輪道邊獨轉忽有一人乘白駱駝來  
前見勸師當努力決定往生莫作退轉此界穢惡  
多苦不勞貪樂答言大蒙賢者好心視誨某畢命  
爲期不敢生於懈怠之心云第二夜見阿彌陀  
佛身真金色在七寶樹下金蓮華上坐十僧圍繞  
亦各坐一寶樹下佛樹上乃有白衣挂繞正面向



西合掌坐觀第三夜見兩幢杆極大高顯幡懸五色道路縱橫人觀無礙既得此相已即便休止不至七日上來所有靈相者本心爲物不爲已身既蒙斯相不敢隱藏謹以申呈義後被聞於末代願使含靈聞之生信有識觀者西歸以此功德迴施衆生悉發菩提心慈心相向佛眼相看菩提眷屬作真善知識同歸淨國共成佛道此義已請證定竟一句一字不可加減欲寫者一如經法應知已靜以善導觀經疏者是西方指南行者目足也然

則西方行人必須珍敬矣就中每夜夢中有僧指授玄義僧者恐是彌陀應現爾者可謂此疏是彌陀傳說何況大唐相傳云善導是彌陀化身也爾者可謂此文是彌陀直說既云欲寫者一如經法斯言誠乎仰討本地者四十八願之法王也十劫正覺之唱有憑于念佛俯訪垂迹者專修念佛之導師也三昧正受之語無疑于往生本迹雖異化導是一也於是貧道昔披閱茲典粗識素意立舍餘行云歸念佛自其已來至于今日自行化化

唯緝念佛然間希問津者示以西方通津適尋行  
 者誨以念佛別行信之者多不信者豈當知淨土  
 之教叩時機而當行運也念佛之行感水月而得  
 昇降也而今不圖蒙仰辭謝無地仍今整集念佛  
 要文剋述念佛要義唯顧命旨不顧不敏是即無  
 慚無愧之甚也庶幾一經高覽之後埋于壁底莫  
 遺窻前恐為不令破法之人隨於惡道也

選擇本願念佛集

安永二年出版

京都府華族

原版入 大谷光尊

明治十八年三月廿五日翻刻御屆

同 年七月廿五日期成

定價金貳圓

京都府平民

翻刻人

西村九郎右衛門

下京區第三十組下珠數屋町

東洞院西江入橋町八番戶

花屋町油小路東江入町

發賣人

永田長左衛門

中珠數屋町為丸東江入町

全

西村七兵衛

五條橋通高倉東江入町

全

澤田友五郎

